

中國第一歷史檔案館

遼寧省檔案館

編

中國明朝檔案總匯（八四）

廣西師範大學出版社

中國第一歷史檔案館  
遼寧省檔案館

編

# 中國明朝檔案總匯

(八四)

廣西師範大學出版社





目錄

錦衣衛題本檔

崇禎五年

錦衣衛掌衛事劉僑為遵旨究問拿獲夤夜登城淨身男子馬忠等人事題本 崇禎五年正月初五日 六

錦衣衛掌衛事[劉僑]為遵旨再審緝獲鑽謀求選通判犯人錢士澤等人事題本 崇禎五年正月初六日 九

錦衣衛掌衛事[劉僑]為遵旨嚴究索錢誘引淨身男子登城確系何人事題本 崇禎五年正月十四日 一三

錦衣衛掌衛事[劉僑]為遵旨研鞠今升山西都司張子魏貪贓事題本 崇禎五年正月十四日 一七

錦衣衛掌衛事[劉僑]為遵旨緝提走空騙詐之醫人嘗春普事題本 崇禎五年正月十五日 一九

錦衣衛掌衛事[劉僑]為侍西班牙御史劉令譽午門前行禮未到事屬失誤事題本 崇禎五年正月十九日 二〇

錦衣衛掌衛事劉僑為賄營犯官林天庚已解到衛請送鎮撫司質審事題本 崇禎五年正月二十二日 二三

錦衣衛掌衛事[劉僑]為鑽營在監犯人侯尚德病故請照例委官會同相視事題本 崇禎五年正月二十三日 二五

錦衣衛掌衛事[劉僑]為謝不究詰奸失職之罪并遵旨捉拿所緝提塘事奏本 崇禎五年正月二十六日 二八

錦衣衛掌衛事[劉僑]為遵旨差官拿解解侵冒糧餉之犯萬國孚等人來京事題本 崇禎五年正月二十七日 三〇

錦衣衛掌衛事[劉僑]為遵旨回復緝奸失職之由事奏本 崇禎五年二月初三日 三四

錦衣衛百戶吳國輔為差遣拿解侵冒糧餉之犯萬國孚等人來京事題本 崇禎五年二月初七日 三六

錦衣衛千戶郭進忠等為差遣拿解滇師創敗失職之犯官王伉等員來京事題本 崇禎五年二月初十日 三九

錦衣衛掌衛事[劉僑]為遵旨差官拿解犯官孫元化等員來京事題本 崇禎五年二月十二日 四一

錦衣衛掌衛事[劉僑]為緝獲偷盜司鑰庫制錢賊人韓住等人事題本 崇禎五年二月十三日 四五

錦衣衛管衛事張元孫為糾參吏部考功司主事陳觀陽皇極門前失儀事題本 崇禎五年二月二十六日 四七

錦衣衛掌衛事[張元孫]為謝升授今職并免面恩事奏本 崇禎五年二月二十九日 四七

## 崇禎十三年

錦衣衛掌衛事〔張元孫〕為進繳革職前任劉僑原領提督東司房勅諭事題本	崇禎五年三月初四日	四九
錦衣衛掌衛事〔張元孫〕為遵旨已將侵隱錢糧案犯崔沁之提解到部等事題本	崇禎五年三月初九日	五〇
錦衣衛掌衛事〔張元孫〕為欽天監監正葉震春午門前行禮遲誤事題本	崇禎五年三月初十日	五四
錦衣衛掌衛事〔張元孫〕等為請遵例頒給新任指揮同知董琨服色等物事題本	崇禎五年三月十四日	五五
錦衣衛掌衛事張元孫為緝獲黃夜進戶劫財傷人強賊朱元等人事題本	崇禎五年三月十八日	五七
錦衣衛掌衛事〔張元孫〕為兵科都給事中汪始亨等員午門前行禮失儀事題本	崇禎五年三月十八日	六三
錦衣衛掌衛事〔張元孫〕為緝獲偷盜內庫緞疋違法犯人翟有望等人事題本	崇禎五年三月二十一日	六五
錦衣衛掌衛事〔張元孫〕等為雲南解來母象病斃并遵旨掩埋事題本	崇禎五年三月二十四日	六九
錦衣衛掌衛事〔張元孫〕為遵旨究問侵隱錢糧案犯崔沁之事題本	崇禎五年三月二十八日	七一
錦衣衛百戶寧光弘為奉旨差官拿解犯官余大成來京事題本	崇禎五年三月二十五日	七九
錦衣衛掌衛事〔張元孫〕為遵旨拿獲原參侵扣罪犯和于朝等人事題本	崇禎五年三月二十五日	八一
錦衣衛掌衛事為西城兵馬副指揮俞師舜等員午門前行禮違誤事題本	崇禎十三年十一月初七日	八二
錦衣衛掌衛事為謝祭天頒賜甜食事奏本	崇禎十三年十一月初八日	八三
錦衣衛掌衛事為奉旨免罰行禮不到官員事題本	崇禎十三年十一月十五日	八五
錦衣衛掌衛事為遵例自陳不職懇請罷黜事奏本	崇禎十三年十一月十九日	八六
錦衣衛掌衛事為遵察署都指揮僉事王肇慶等恭視皇考御容未到事題本	崇禎十三年十一月二十一日	九〇
錦衣衛掌衛事為逆女因奸毆死父命事題本	崇禎十三年十一月二十二日	九四
錦衣衛掌衛事為傳諭嚴加訪拿傳抄機密疏諭者事題本	崇禎十三年十一月二十八日	一〇七
錦衣衛掌衛事為臣等敬捐俸銀以助軍餉事奏本	崇禎十三年十一月二十八日	一〇九
錦衣衛掌衛事為遵察管理火把千戶余軫等員扈蹕未到服飾不謹事題本	崇禎十三年十一月二十九日	一一三

兵部為擬將錢天錫等六員增派直隸地方事手本	崇禎十二年正月二十九日	一一七
大學士為撫按查明回復增設保定兵備錢天賜等六員管轄事題本	崇禎十二年正月三十日	一二〇
制敕房為查明宣府龍門所等處參將胥有詔官銜事手本	崇禎十二年二月初三日	一二一
兵部職方清吏司為查明胥有詔官銜事手本	崇禎十二年二月初六日	一二二
皇帝為胥有詔任命宣府龍門所等處參將事敕諭	〔崇禎十二年二月〕	一二三
制敕房為查明增設新道請兵部職方清吏司逐一細查事手本	崇禎十二年二月十七日	一二四
兵部職方清吏司為查明新道舊道事手本	崇禎十二年二月十八日	一二六
戶部為推選王運昌補山東運使員缺事手本	〔崇禎十二年二月十九日〕	一二七
為鹽賦攸關宜加清理特給山東都轉鹽運使司運使敕稿	〔崇禎十二年二月〕	一三〇
大學士為新舊各道責任相同轄屬互異酌擬進呈請旨事題本	崇禎十二年二月二十八日	一三一
為山西按察司副使錢天賜特命為保定兵備道事敕稿	〔崇禎十二年二月〕	一三二
為丘民仰特命永平兵備道事敕稿	崇禎十二年三月初一日	一三四
為丘民仰任命山東布政使司右參政事敕稿	崇禎十二年三月初一日	一三六
為周訓任命山西寧武關守備事敕稿	崇禎十二年三月二十八日	一三七
為太監李承芳特命總督東廠官旗辦事敕稿	崇禎十二年四月初二日	一三八
皇帝為鄭二陽特命都察院右僉都御史事敕稿	崇禎十二年四月十一日	一四〇
為王裕心特任命陝西按察司副使事敕稿	崇禎十二年四月十一日	一四一
為伍右文特任命陝西按察司僉事事敕稿	崇禎十二年四月十八日	一四三
為劉胤昌任命宣府守備事敕諭	崇禎十二年四月二十八日	一四四
為王國賓任命為山東布政使司參政事敕稿	崇禎十二年五月十三日	一四五
皇帝為戒勉榮王等王事敕諭	崇禎十二年五月二十五日	一四六
禮部為保護藩封請賜敕書優獎事手本	〔崇禎十二年五月二十五日〕	一四八
為孫經世任命真定守備事敕稿	崇禎十二年九月初四日	一五三

為工部主事張宏弼差往浙江杭州辦理抽分事敕稿	崇禎十二年九月初五日※	一五四
為卜從善特命管河南衛輝游擊事敕稿	崇禎十二年九月十六日※	一五六
為郝昌胤任命陝西三眼井守備事敕稿	崇禎十二年九月二十九日※	一五七
皇帝為羅俊杰任命鎮守宣府總兵事制諭	崇禎十二年十月二十四日※	一五八
皇帝為羅俊杰任命鎮守宣府總兵事敕諭	崇禎十二年十月二十四日※	一五九
為趙建極任命山東按察使事敕稿	崇禎十二年十月二十七日※	一六〇
皇帝為劉令譽任命延綏巡撫事敕諭	崇禎十二年十月二十八日※	一六二
大學士為昌平督治侍郎劉餘祐到任宴樂事題本	〔崇禎十二年十一月十三日〕	一六三
大學士為延綏巡撫劉令譽請增敕兼轄事題本	〔崇禎十二年十一月十三日〕	一六四
皇帝為吳三桂特命充遼東寧遠團練總兵事敕諭	崇禎十二年十一月十四日※	一六五
為張緒倫特命前往兩淮任巡鹽御史事敕稿	崇禎十二年十一月十八日※	一六六
為張緒倫特命兼理廬鳳淮揚四府漕糧征收事敕稿	崇禎十二年十一月十八日※	一六七
為黃諫卿特命四川按察司僉事事敕稿	崇禎十二年十一月二十六日※	一六八
為羅袍任命四川南路游擊事敕稿	崇禎十二年十二月十四日※	一六九
為湯允文任命安慶副總兵事敕稿	崇禎十二年十二月十四日※	一七〇
兵部職方清吏司為查明安慶副總兵系新改職銜事手本	崇禎十二年十二月十九日	一七一
大學士為安慶副總兵湯允文改銜事題本	〔崇禎十二年十二月二十九日〕	一七二

## 禮部行文底冊

禮部為遵旨再催保定撫按速報賞恤銀兩事行文	崇禎十五年五月十八日	一七三
禮部主客清吏司為請禮科察核已辦關領鈔錠事行文	崇禎十五年五月二十二日	一七四
〔禮部〕為請內府織染局察核發出欽賞周王絲絹數目事行文	崇禎十五年六月十二日	一七五
禮部主客清吏司為亟催工部營繕司等衙門速領鈔錠事行文	崇禎十五年七月初四日	一七六

禮部主客清吏司為請內府戶科查催賞賜剿苗銀兩事行文	崇禎十五年七月二十二日	一七七
禮部為請遵旨給發賞功銀兩事行文	崇禎十五年十一月十四日	一七八
禮部為援例給發御寒胖衣請旨事行文	〔崇禎十五年〕十二月二十四日	一八〇
主客清吏司為請儀制清吏司援例開列赴京進賀慶典人員職名事行文	〔崇禎十五年〕十二月二十九日	一八一
禮部主客清吏司為請欽天監開列移送應給胖衣官生花名事行文	崇禎十六年二月十一日	一八二
主客清吏司為再催儀制清吏司開列移送應賞差來赴京進賀慶典人員職名事行文	〔崇禎十六年〕二月二十六日	一八三
禮部主客清吏司為援例進繳過期未領賞銀事行文	〔崇禎十六年〕二月二十六日	一八四
禮部主客清吏司為請欽天監開列移送應給胖衣現任各員職名事行文	〔崇禎十六年〕三月初六日	一八五
禮部主客清吏司為開列應賞進賀萬壽元旦員名及鈔錠數目事行文	〔崇禎十六年〕三月十二日	一八六
禮部為欽賞通州督治王鰲永所率將士斬虜功銀事行文	〔崇禎十六年〕三月二十九日	一八九
禮部為未給十三年分之胖衣無需再給請旨事行文	〔崇禎十六年〕四月初三日	一九一
禮部為欽賞通州督治王鰲永功銀遲發緣由事行文	〔崇禎十六年〕四月初三日	一九三
禮部主客清吏司為開列應賞進賀太子千秋員名及鈔錠數目事行文	〔崇禎十六年〕四月初十日	一九四
禮部主客清吏司為欽賞前府等各衙門節日銀兩事行文	〔崇禎十六年〕四月初十日	一九七
禮部主客清吏司為欽賞左府等衙門節日銀兩事行文	〔崇禎十六年〕四月初十日	一九八
禮部主客清吏司為請兵部速開移送欽賞胡應科等人家屬恤銀確數事行文	〔崇禎十六年〕五月十二日	一九九
禮部主客清吏司為開列應賞進賀中宮殿下千秋員名及鈔錠數目事行文	〔崇禎十六年〕五月二十六日	二〇〇
禮部主客清吏司為收到司禮監發出欽賞周府副承奉曹坤銀兩紵絲事行文	崇禎十五年六月十四日	二〇二
禮部為欽賞通州督治王鰲永功銀已領事行文	〔崇禎十六年〕六月二十日	二〇三
禮部主客清吏司為請司禮監六科遵旨即將勘合給發本司辦事官事行文	〔崇禎十六年〕六月二十五日	二〇四
禮部為請援例題明昌平督治金之後所報賞功銀兩事行文	〔崇禎十六年〕六月二十五日	二〇五
禮部為請遵旨察奏過期未領賞銀各官情形事行文	〔崇禎十六年〕六月二十九日	二〇六
禮部為請兵部援例察核保定總督呂大器所報應賞功銀事行文	崇禎十六年七月初四日	二〇八

禮部為請內府司禮監回復欽賞周府副承奉曹坤紵絲案呈到部事行文	崇禎十五年七月二十二日	一一〇
主客肖吏司為請儀制清吏司察核陝西懇敕獎勵事宜事行文	「崇禎十六年」七月三十日	一一一
「禮部」主客清吏司為請兵部察核昌平督治金之俊所報賞功銀兩事行文	「崇禎十六年」八月二十五日	一一二
禮部主客清吏司為請錦衣衛經歷司察核給發衛官黃培等人賞銀事行文	「崇禎十六年」九月二十四日	一一三
禮部主客清吏司為再催兵部職方清吏司速報玉泉等處陣亡官丁恤銀事行文	「崇禎十六年」九月	一一四
禮部為已派隨差辦事官守候關領玉泉戰歿賞功銀兩事行文	「崇禎十六年」十月初四日	一一五
禮部主客清吏司為請禮科裁酌久延不領節日賞銀事宜事行文	「崇禎十六年」十月十二日	一一六
禮部為欽賞玉泉戰歿恤銀已領并請察核給發事行文	「崇禎十六年」十月十二日	一一七
禮部主客清吏司為援例賞賜進賀懿安皇后聖誕人員事行文(尾缺)	「崇禎十六年」	一一八

鳳陽新書(卷六)(首缺)

過臨淮故里	陸龜蒙	一一九
-------	-----	-----

宋詩九篇

淮上遇風	範仲淹	一二九
渡淮	唐子方	一二〇
長淮晚眺	王清叙	一二〇
過淮	蘇軾	一二一
觀魚臺	蘇軾	一二一
逍遙臺	蘇軾	一二一
彭祖廟	蘇軾	一二二
濠梁感懷	劉季孫	一二二
過濠州	趙抃	一二二
元詩一首		



國朝詩

濠州觀荷	薛元卿	一一三
濠梁即事	周獻玉	一一三
濠梁行	蘇祐	一二四
黃河謠	陳孚	一二七
渡淮	黃淮	一二七
棋盤石	張惟恕	一二八
棋盤石	劉誠	一二八
白石山	顧伯謙	一二九
中都譙樓	周金	一二九
登譙樓	王守仁	一三〇
御書亭	吳伯宗	一三〇
龍興寺謾興	廬山僧	一三一
龍興寺	戴纓	一三一
龍興寺	馬楷	一三一
重修龍興寺	朱之蕃	一三二
大龍興寺留題	楊彥華	一三三
登城東樓	楊彥華	一三三
登城南樓	楊彥華	一三四
偃柏行	劉曷	一三四
過中京書事	許中麗	一三六
鳳陽道中	但調元	一三七
焦山弔古	盛世鳴	一三七

登觀星臺春望	黎擴	二三八
國朝詩		
太祖高皇帝思親歌		二三八
和御制思親韻		二三九
撫臨	李蕙	二四〇
次韻	王瓊	二四〇
入中都赴任	曹恕	二四一
清明	唐肅	二四一
題藍采和	楊基	二四一
感事一首	劉曷	二四二
慧星歌	劉曷	二四二
聞寇入榆林有警	萬嗣達	二四三
下車有感	宋濂	二四七
大鐘頌	王英	二五二
扈從渡淮	王英	二五二
扈從至中都	王英	二五二
前題	胡廣	二五四
陪駕祀皇陵	王英	二五四
前題	胡廣	二五五
前題	邵賓	二五五
次韻	王瓊	二五六
陪從蜀王祀皇陵	周啟	二五六
謁皇陵致頌	周盤	二五七



入中都試士道洪廟謁聖祖孕生處	柯挺	二五八
田家謠贈仲太守	高宗大	二五九
送劉令公回任	張固	二六〇
贈潘孝婦高氏	錢楞	二六一
題潘孝婦	劉曷	二六一
讀高孝婦傳	張翼翔	二六一
贈錢節婦李氏	周珏	二六二
喜雪上曹太守	高越	二六二
送萬令之鳳陽	楊鶴	二六二
喜袁又日開墾詩	魏士清	二六三
漢賦一篇		
浮淮賦	王粲	二六四
明賦三篇		
縣樓賦	馮□	二六六
東湖賦	劉曷	二六八
中都賦	柯仲炯	二七三

太子太傅錦衣衛掌衛事左軍都督府左都督  
今降二級臣劉儁 謹

題爲擒獲寅夜登城淨身男子事該

欽差正陽等九門并永定等七門及皇城四門提督  
巡城點軍司禮監管文書內官監太監宋尚忠  
等題前事奉

聖旨馬成龍等着東廠究問馬忠尹應奎等着錦衣  
衛拏去問明來說欽此欽遵將犯人馬忠尹應奎  
劉明士俱拏到衛問得馬忠供年二十七歲係  
蕃育署人招稱有弟馬成龍自幼淨身於崇禎  
四年十二月二十三日前往禮部應選因選不

中随押出城外會遇一般淨身男子張進朝仍  
欲進城再投復選柰各門防守嚴謹不能混入  
思量無計是忠觀見

朝陽門外東城牆敵臺缺處易得爬上不合商同  
馬成龍張進朝于二十四日夜一更時分俱到  
本城牆下忠登躡破磚空缺先上引得二人隨  
後亦俱爬上昏黑行走尋路要下至十一鋪南  
撞見巡城官軍拏住又審得尹應奎供係任丘  
縣人同淨身弟尹喜于閏十一月十八日上京  
投今在官表兄劉明士家暫住劉明士亦就跟  
随尹喜因選不中逐出城外屢欲混入俱被官

軍擋回無處投奔走到大通橋河邊一小廟內  
棲住又見各逐出淨身男子亦有相聚大通橋  
堆糧號房內棲身衆人商議聞說有在夜間爬  
過城的適有不知姓名人向衆言說你每各出  
錢三百文與我繫你各人上城還可再選等語  
是應奎等同尹喜各不合依聽隨與錢多寡不  
等于二十四日引到

崇文門東城牆下時將一更先有二人在于城上  
用火繩頭晃照將繩一根拋下衆約十四五人  
各拉繩登牆陸續上城應奎同劉明士各不合  
隨後俱上比繫繩二人向衆言說你們略等裏

邊城下有人上來一同從中心臺下去忽聞鑼響令眾人躲在舖內其二人先行跑去致被巡軍將眾人拏獲今蒙提督九門太監題叅奉

旨將馬成龍等着東廠究問忠同尹應奎劉明士拏來審問實招前情別無隱諱情弊據此看得馬忠尹應奎劉明士癡愚見短求榮念深不思欽選非可倖圖乃以

禁城輒敢夜踰招情雖無別故論法豈可輕原合將各犯通送刑部依律擬罪臣未敢擅便謹題

請

旨

崇禎五年正月

初五

日具題初八日奉

聖旨這索錢誘引確係何人還著嚴究明供具奏

太子太傅錦衣衛掌衛事左軍都督府左都督

今降二級臣劉 謹

題爲緝獲事該臣衛訪獲鑽謀求選通判犯人錢士澤并指稱打點局騙財物犯人蔡玄妻等審供情詞具題奉

聖旨著將各犯管幹實情再行研鞫供明具奏脫逃的著嚴緝務獲欽此臣謹遵

明旨再研鞫得錢士澤招稱士澤係丁憂起復通判於崇禎三年八月內進京守候年餘不得取選因無盤費向不在官保頭孫近塘借銀說起聽選緣繇遂轉向今在官李小泉徐完初董南莊

馬文軒朱際明蔡玄素遞相牽引各不合乘機  
設騙是士澤就不合輒起來選貪心欲圖嘉興  
兗州二缺有蔡玄素應許代尋門路講定謝禮  
銀一千四百兩必得見銀方就有朱際明出銀  
八包馬文軒出銀四包暫與驗過指望選出希  
圖重利有徐完初索士澤寫立履歷合同付與  
蔡玄素比玄素原無門路又轉托今續拘到李  
太守說知前情有李太守見衆人情形俱係騙  
局揚言於外致被緝知正當驗銀時將士澤等  
一千人犯連銀三百三十六兩并歷履合同俱



八  
捉獲再行研鞫營幹情繇各犯執稱因無門路  
方托李太宇不期漏洩除逃犯孫近塘嚴緝外  
謹將研鞫得實情具

奏合將各犯連贓銀履歷等件通送刑部再詳究  
擬臣未敢擅便謹題請

旨

崇禎五年正月初六日具題初十日奉

聖旨錢士澤等一千人犯著通送刑部擬罪具奏

太子太傅錦衣衛掌衛事左軍都督府左都督

今降二級臣劉謹

題爲擒獲夤夜登城淨身男子事該臣問過犯人

馬忠尹應奎劉明士各供情詞具題奉

聖旨這索錢誘引確係何人還着嚴究明供具奏欽

此臣謹遵

明旨嚴究得馬忠原同今在廠究問弟馬成龍并張  
進朝俱是從

朝陽門外東城牆暗自爬上並無人接應是實外  
及嚴究得尹應奎供稱是應奎原爲今在廠究

問弟尹喜選退逐出城外遇見一夥淨身男子  
亦係退出聚在大通橋邊商議欲要爬城傍有  
不知姓名一人向衆誘說你每各出錢三百文  
與我管你各人上城彼時衆人妄想心急聞得  
此言竟不詳問何人只各湊錢多寡不等付與  
就於十二月二十四日跟隨俱到

崇文門外東城牆下將有一更時分見得城上有  
火點繩頭照亮將一麻繩垂下衆人陸續拉繩  
登牆挨次俱各上城是應奎同今在官表兄劉  
明士各不合亦隨上城恍惚曾見繩拴木扛橫

在梁口上有不知姓名三四人在於城上繫繩  
不期巡城官軍一到四人跑走不知去向當被  
巡軍將衆人捉住呈報提督太監題叅奉

旨將馮成龍尹喜等俱在東廠究問應奎并劉明士  
在衛究問已經供吐前情今復嚴究索錢誘引  
確係何人應奎等委實不知細想那時一拏應  
奎等有一少年人拏取梁口繩扛彼垂繩數人  
遂行跑走後有門官點軍呼名張進即是拏繩  
扛人想必此人或能識認垂繩人姓名再三拷  
究執供前情無異據此謹將嚴究明供情繇具

奏合將各犯通送刑部再詳究擬臣未敢擅便  
謹題請

旨

崇禎五年正月

丙

日題十八日奉

聖旨着並送鎮撫司究質具奏

太子太傅錦衣衛掌衛事左軍都督府左都督

今降二級臣劉 謹

題爲貪弁隱占有據法紀難容乞

勅亟賜處分以重軍餉以釐積弊事先該監視大同

太監劉文忠題前事內叅原任馬邑堡守備今

陞山西都司張于魏賊款緣繇奉

聖旨張于魏着革了職該撫按提解來京究問具奏

據稱白丁何繇授職且如此貪婪何繇陞任兵部

查明來說欽此續該兵部題稱准大同巡撫張廷

拱差官將張于魏押解到京等因奉

聖旨張于魏着送錦衣衛研鞫詳供具奏欽此移送  
到衛臣謹遵

明旨研鞫得犯人張于魏供年四十二歲係山西大同後衛舍人於萬曆四十五年間跟隨原任榆林總兵杜文煥下聽用報捷有功於天啓四年八月內陞授所鎮撫天啓六年九月內推馬邑堡守備任事五年零一箇月於崇禎四年七月內推山西都司招稱于魏向任守備時管領官軍四百一十九員名除見差操外不合占用牢役十五名跟伴十名家人十名俱食糧石及養

馬軍三名裁縫帽匠水頭各一名亦是在營手  
藝軍人又中軍革任仍占食糧又有牽洛

羊軍六名不合私使馱炭又有

買辦用價四五錢不等止領官

隨便買羊令軍牧養預備撫道

共占有軍役四十八名不赴差

被告發叅提前來今蒙研鞫實招前情臣

隱諱逐款再加詳審本犯復供占用軍役四十  
八名已是承認每名月支銀六錢除今尚有年  
半糧餉未曾關領可查外約冒破餉銀一千餘



兩據此看得張于魏私役官軍昌支糧餉供叅  
有據罪擬無辭伏乞

勅下刑部追贓擬罪臣未敢擅便謹題請

旨

崇禎五年正月

十四

日題二十日奉

聖旨張于魏着送刑部追贓擬罪

太子太傅錦衣衛掌衛事左軍都督府左都督

今降二級臣劉 謹

題為藐法神姦走空騙詐懇乞

嚴究以正法紀事該本衛北鎮撫司掌刑管事副千

戶王吉士等題前事內稱嚴鞫過犯人廖二等

包攬淨身男子扶持選中招出不在官醫人嘗

春普作中併提質對等因奉

聖旨著錦衣衛緝提嘗春普一併研質具奏欽此臣

謹遵

明旨當差辦事旗尉李全德高守金等將嘗春普緝

提見在送鎮撫司與廖二等一併研質臣未敢  
擅便謹題請

旨

崇禎五年正月十五日題十九日奉

聖旨是

欽差提督官旗辦事太子太傅錦衣衛掌衛事左軍

都督府左都督今降二級臣劉謹

題爲看得事該辦事旗尉陳九成等看得本月十

九日早

午門前各官行禮有該侍西班御史劉令譽臨期末

事屬失誤謹具題

知

崇禎五年正月 十九日

太子太傅錦衣衛掌衛事左軍都督府左都督

今降二級臣劉謹

題為缺官事崇禎四年八月初三日該兵部題前  
事奉

聖旨林天庚賄營有據着革了職併王生員俱着該  
撫按拏解來京究問還立限與他御覽既有定序  
何得託言首名係同鄉引嫌越推該弁該司官回  
將話來該衙門知道欽此本月初十日該本衛北  
鎮撫司題為緝獲事問過東廠捉獲假稱廠衛  
嚇詐人財犯人鄭國忠等挾詐四川林都司託

幹推陞情繇奉

聖旨各犯着監候即着廠衛緝事衙門嚴拏王元亮  
王生員及仇忠等一併研鞫具奏該衙門知道欽  
此今該兵部題稱准四川巡撫張論差官押解  
犯官林天庚到部伏乞

勅下錦衣衛將一千犯証嚴訊究擬等因奉

聖旨林天庚着錦衣衛究問實供具奏王生員等還  
嚴緝務獲欽此解送前來相應題

請合候

命下將林天庚送鎮撫司與先監候各犯一併質審

其王生員等另行嚴緝臣未敢擅便謹題請

旨

崇禎五年正月二十二日題二十六日奉

聖旨林天庚著拏送鎮撫司與各犯一併究問未獲  
的速行嚴緝

太子太傅錦衣衛掌衛事左軍都督府左都督  
今降二級臣劉 謹

題為病故犯人事據本衛提牢百戶張濂等呈稱  
有見監犯人侯尚德素患勞疾蒙撥醫士馬龍  
圖等調治不痊於本月二十二日辰時在監病  
故呈乞相視等因據此案照先該巡視中兵馬  
司地方陝西道試監察御史周堪賡題叅違  
制鑽營犯人楊應海侯尚德施光祖等送衛已經究  
問具題奉

旨還著嚴審間今據前因為照已故本犯身屍合無



照例移文刑部等衙門各委官一員前來會同  
相視明白責令宛大二縣官吏及地方屍親領  
埋臣未敢擅便謹題請

旨

聖旨是

崇禎五年正月

二十三日

題

二十六日奉

太子太傅錦衣衛掌衛事左軍都督府左都督

今降二級臣劉謹

奏爲遵奉

聖旨事前該臣遵

旨回奏復奉

聖旨詰姦係該衛專職况奉密諭何不祇遵速行嚴

緝遽稱潜遁且久不奏報明屬玩忽劉姑且

不究至打點收受何人既有提塘在京豈不知情

著拏來研問供明具奏欽此臣仰承

明命曷勝惕慄除赴鴻臚寺報名

廷謝外一面急差原辦旗尉傳承恩等捉拏劉姓

提塘去後隨據回稱劉提塘於未奉

旨先亦被東廠捉去臣思該廠既獲其人必究其情

固自有緣繇奏

報非臣可得而與獨念臣至愚極闇荷

皇上隆遇之

恩委託之重無時無刻不圖感奮崇臣稟賦厚孱則  
志不帥氣此臣之所欲強而不逮也竄敢玩忽

臣今復蒙

嚴諭益加勉勵用荅

主知不勝激切謹具奏  
聞

崇禎五年正月

二十六

日奏二月初二日奉

聖旨劉

職在緝姦漫不經心及奉嚴諭惟以虛

詞支卸兼歷讞獄情徇縱違玩又前此回奏本章  
違式通着回將話來

太子太傅錦衣衛掌衛事左軍都督府左都督

今降二級臣劉 謹

題為有司欺繆足徵清理難容無說謹據實

上聞伏祈

聖鑒事該

欽差監視宣鎮糧餉兵馬邊牆撫賞等事御馬監太

監王坤題前事奉

聖旨據奏查過萬國孚侵冒情弊贓銀便至四萬

六千餘兩款項必尚未盡好生婪猾可惡併書役

趙進賢等通著錦衣衛差的當官旗拏解來京究

問本內歷年管餉各官見任何職著該部開寫明白來看陳嘉賓著行議處插入庫銀往歸正項該衙門知道欽此臣謹遵

明旨隨差百戶吳國輔帶領旗尉杜元忠等齎捧駕帖前往宣府地方將犯人萬國孚併趙進賢等拏解來京究問責令起程去訖謹具題

知

崇禎五年正月 二十七日題二月初一日奉聖旨知道了

太子太傅錦衣衛掌衛事左軍都督府左都督

今降二級臣劉謹

奏為遵

旨回話乞

恩認罪事本年正月二十六日該臣奏為遵奉

聖旨事於二月初二日奉

聖旨劉職在緝姦漫不經心及奉嚴諭惟以虛詞

支卸無歷讞獄情徇縱違玩又前此回奏本章違

式通著回將話來欽此臣恭承

嚴旨切責驚懼戰慄莫知所措切臣本以凡庸自崇

禎二年冬底誤蒙

皇上拔置衛領適值多事之時受茲重任感激殊恩已致身矢圖報効矣乃日夜憂慮凡奉

欽命及一切緝姦讞獄無不欽毚勉思奮敢有一毫

徇縱違玩支卸即

皇上不加嚴譴而

天地鬼神實所鑒臨至於前此回

奏密諭本章實與常例不合尋思每蒙

皇上密諭於臣回

奏倉皇致多違式摠緣臣才不稱職又力不從心



更加風疾奄纏愈益庸鈍則臣之罪戾叢集萬  
無所逃然

皇上覆載弘慈或有

俯諒伏望少霽

雷霆稍寬

斧鉞則又

皇上天高地厚之洪恩也除席藁待罪外臣不勝恐

懼悚息俟

命之至為此具本回話謹具奏

聞

崇禎五年二月初三日奏十三日奉

聖旨朝廷設緝事衙門正欲詰姦癉惡劉 怠慢耽  
徇誤事飾卸藐玩屢旨大負委任好生可惡著革  
了職法司議罪具奏

錦衣衛百戶臣吳國輔謹

題爲有司欺謬足徵清理難容無說謹據實

上聞伏祈

聖鑒事該

欽差監視宣鎮糧餉兵馬邊牆撫賞等事御馬監太

監王坤題前事奉

聖旨據奏查過萬國字侵冒情弊賊銀便至四萬六  
千餘兩欸項必尚未盡好生婪猾可惡併書役趙  
進賢等通著錦衣衛差的當官旗拏解來京究問  
本內歷年管餉各官見任何職著該部開寫明白

來看陳嘉賓著行議處插入庫銀准歸正項該衙  
門知道欽此隨該本衛題差臣帶領旗尉杜元忠  
等齎捧

駕帖前往宣府地方將犯人萬國孚併書役趙進  
賢李尚武劉國福李得寵拏解來京見在謹題  
請

旨

崇禎五年二月

初

日

錦衣衛千戶臣郭進忠等謹

題爲滇師敗衄頻聞收拾費力懇乞

聖明勅會議以規遠圖事該兵部尚書熊明遇等題

前事奉

聖旨撫臣身任封疆按臣奉命巡察自當詳籌利害  
謀出萬全乃王伉等輕舉啓釁玩寇流殃且據叅  
失事情形十百僅報一二如此專擅欺飾國法寧  
容王伉趙洪範併楊鼎樞俱革了職錦衣衛差的  
當官旗拏解來京究問這本內酌設督撫事宜即  
著會同吏部確議速奏周士昌姑著戴罪圖賊自

贖馮世修革任秦拱明調補俱依議商士桀揚忠  
徐紳俱革了職該督撫按提問擬罪具奏巡按官  
著速題來用該衙門知道欽此欽遵隨該本衛題  
差臣等帶領旗尉兵可達等齎捧

駕帖前往雲南地方將犯官王仇趙洪範併楊鼎  
樞拏解來京見在謹題請

旨

崇禎五年二月

初十

日千

戶臣郭進忠

百戶臣朱淮

十三日奉

聖旨王伉等著送法司究問具奏

太子太傅錦衣衛掌衛事左軍都督府左都督

今降一級臣劉 謹

題爲塘報事該兵部尚書熊明遇等題前事奉

聖旨孫元化宋光蘭王徵併余大成都著錦衣衛差的當官旗拏解來京吳維誠賈名傑秦世英王教官張壽節著鄭宗周拏解仍將其餘避難士民家屬人等查明酌量安插該衙門知道欽此臣謹遵明旨當差百戶于夢斗帶領旗尉王問國等前往天津地方拏解犯官孫元化宋光蘭王徵又差百戶竇光弘帶領旗尉陸應魁等前往山東等處



地方拏解犯官余大成各齎捧

駕帖分投責令起程去訖謹具題

知

崇禎五年二月

十二

日題十五日奉

聖旨知道了

欽差提督官旗辦事太子太傅錦衣衛掌衛事左軍

都督府左都督今降一級臣劉 謹

題為緝獲奉

旨歇案盜庫賊人事據理刑千百戶方祥等呈該辦事旗尉于胤芳王文燦張國本捉獲偷盜司鑰

庫

制錢事發逃走歇案賊犯五名到臣內審得韓住供年四十三歲係宛平縣人招稱住向在司鑰庫應當庫夫有先獲已正法楊應元齊二邵才許矮子并未獲張南泉潘鬍子等各不合商議要

盜庫內銅錢齊二雕得假印封條於崇禎四年  
四月初六日是住糾同見獲賊人吳進舉侯三  
艾大艾二并楊應元等到於香庫外潘鬍子門  
房內潛躲至二更時分衆人同到司鑰庫門首  
揭去印封李鉄匠探開庫鎖盜去錢一百七十  
吊般到門房內齊二標得假印封條仍舊封鎖  
庫門待至黎明各賊將錢藏帶在身往外行走  
有被人搶奪亦有各自隱匿陸續俱到楊應元  
家議分是住分得錢一萬六千五百文吳進舉  
分得錢一千四百文侯三分得錢一千四百文

艾大分得錢四千文艾二分得錢一千文其餘  
俱楊應元等各分訖本年五月十四日二更時  
分住又同吳進舉侯三艾大艾二并楊應元許  
矮子齊二等并未獲王鉄匠左自庫等仍前探  
開庫鎖盜出錢四百七十吊亦到楊應元家住  
分得錢四千文吳應舉分得錢一千文侯三分  
得錢二千文艾大分得錢七千文艾二分得錢  
一千三百文其餘楊應元等各分散訖致被東  
廠等衙門將楊應元等陸續拏獲叅送住等聞  
風逃躲今被辦事旗尉緝知將住并吳進舉侯

三艾大艾二捉獲到官審供前情吳進舉等供  
情相同及追原盜銅錢各執稱花費無存合將  
捉獲偷盜司鑄庫

制錢歇案賊犯韓住吳進舉侯三艾大艾二恭候  
命下通送刑部查照原案詳究擬罪臣未敢擅便謹  
題請

旨

崇禎五年二月 十三 日題十五日奉

聖旨各犯著送刑部擬罪

錦衣衛管衛事左軍都督府都督同知臣張元孫謹  
題為看得事本月二十六日早恭遇

皇上御

皇極門該臣看得百官奏事之際考滿官過時有  
東班一官手捧題本一封從科臣旁趨上旋復  
趨下臣不知何官隨於散班後查詢始知為吏  
部考功司主事陳觀陽本稱以都察院左都御  
史陳于庭考滿事具有題本一封迺與本部堂  
官面呈故趨上復下事屬失儀例應查叅昨蒙  
聖恩著臣本衛掌印管事緣尚未

廷謝不敢先具新銜用印為此謹具題

知

崇禎五年二月二十六日

錦衣衛掌衛事左軍都督府都督同知臣張 謹  
奏為

面恩事本年二月二十五日該兵部題為缺官事奉  
聖旨張 著本衛掌印管事提督東司房官旗寫  
勅與他欽此臣荷蒙

聖恩陞授今職除赴鴻臚寺報名

廷謝外例該

面恩於本月二十九日恭遇奉

旨免朝為此謹具本奏

謝以





錦衣衛掌衛事左軍都督府都督同知臣張 謹

題為

進繳

勅諭事照得原任本衛掌衛事左都督劉 今奉

旨革職議罪所有原領提督東司房

勅諭一道理合具本

進繳謹具題

知

崇禎五年三月初四日初五日題

錦衣衛掌衛事左軍都督府都督同知臣張 謹

題為遵

旨摘叅事該

欽差巡撫保定等府提督紫荆等關兼理海防軍務

都察院右僉都御史丁魁楚題前事奉

聖旨崔泌之一案錢糧侵及四萬提解已經二年乃

肆意抗違不赴法司究問該撫按輒將原叅奉旨

情節通不明載竟朦朧另疏開銷好生欺徇著回

將話來崔泌之著錦衣衛差的當官旗拏解來京

究問承行各官延玩曲庇該部分別議罰法司奉

旨提人何故任其藐抗寂無一言也着自行回奏  
該衙門知道欽此隨該刑科將本封送到臣謹遵  
明旨當差官旗齎捧

駕帖拏解崔泌之方欲起行間仍一面差辦事旗  
尉王文燦等訪得崔泌之係在刑部監禁臣恐  
不的即時移文該部行查去後續據刑部貴州  
清吏司印文回稱查得崔泌之先於崇禎三年  
十月初三日該巡按直隸監察御史甘學閣題  
為縣令侵費錢糧有據挾讎扭結郡守乞

勅法司提究以振法紀事初十日奉

聖旨崔泌之侵隱錢糧幾及四萬好生貪縱著革了  
職法司提來究問該撫按還一面訪拏衙役吏胥  
嚴查耗蠹根因具奏史躬盛既知情弊如何又不  
申究俟事完議奪該部知道欽此欽遵隨即咨行  
撫按於崇禎三年十一月初四日將崔泌之提  
解到部收禁大監因原疏所叅崔泌之侵隱錢  
糧內數目未明咨行撫按嚴查侵隱實據以便  
究罪去後屢次咨催未到今於五年正月內該  
刑科摘叅未完已將前後緣繇奉  
旨回訖訖等因會覆到臣據此謹具題

知

崇禎五年三月初九日初十日題十四日奉

聖旨崔泌之既經提到該部如何又不鞠訊顯屬故意朦庇坐待開銷便著該衛提去據原叅究問具

奏

錦衣衛掌衛事左軍都督府都督同知臣張 謹

題爲看得事該辦事旗尉羅萬春等看得本月初

十日早

午門前行禮據鴻臚寺報單有欽天監監正降漏

刻科博士葉震春爲

德陵工竣吏部題覆加陞一級謝

恩朝見各官入班行禮間本官方到未及入班行禮

事屬遲悞謹具題

知

崇禎五年三月

初十

日題十三日奉

聖旨已有旨了

錦衣衛掌衛事左軍都督府都督同知臣張  
等謹

題為遵例請

給服色繡春刀鑾帶以便隨侍以壯

國威事照得臣衛堂上官凡遇

聖駕出入左右隨侍其都督以上例應請

給蟒衣指揮以上請

給飛魚服色及繡春刀鑾帶穿用今照本衛新任堂

上僉書指揮同知董琨已經兵部題奉

明旨所有前項服色等件理合題

請伏乞



皇上照例

頒給董琨大紅飛魚服色并繡春刀一把鑾帶一條

以便隨

駕扈從緣係遵例請

給事理臣等未敢擅便謹題請

旨

崇禎五年三月

初十

日題十三日奉

聖旨准照例給與該衙門知道

欽差提督官旗辦事錦衣衛掌衛事左軍都督府都

督同知臣張

謹

題爲緝獲事據理型千百戶方祥等呈該辦事旗尉  
傳承恩高守金胡德裕捉獲糾合賊衆持拏刀  
斧等器在於京城內夤夜進入人家劫財傷人  
狠惡強賊四名到臣內審得朱元供年三十四  
歲係南直隸徽州府人招稱元一向在京假以  
篋頭遊食不合於崇禎四年十二月二十二日  
糾合得見獲強賊王二謝二呂二俱在元家商  
議爲盜有王二向元說稱我們終日篋頭度日

不如打劫些銀錢使用等語是元不合回說我  
先年在

崇文門裏鎮江衚衕原開雜貨舖知得隔壁有箇  
童家曾當舖商他家有錢如今他夫主已死兒  
子俱爭家財告狀嘗不在家我們乘此打劫他  
些使用各不合依允商議已定王二將錢買得  
鐵刀二把鐵尺一把鐵斧一把各持前器於崇  
禎五年正月十一日二更時分一齊到於今到  
官失主童寡婦家門首四人從後牆用軟梯進  
內拏住童寡婦逼要財物有童寡婦說我的家

財分散俱無王二就用刀將失主右手砍訖兩  
刀當刼得金銀首飾一匣并珠簪各色尺頭衣  
服等件用口袋裝盛從大門走出挈帶童寡婦  
送到衙衙西口放回將贓物挈至王府三條衙  
衙元家議分是元分得白羅一疋本色絨褐二  
疋月白綾披襖一件月白彭段衫一件白絲紬  
裙一條藍絲紬綿襖一件藍絲紬夾襖一件牙  
快十雙銅爐一座珍珠八十顆銀叁兩三錢王  
二分得青羅一疋絨褐一疋油綠紗一疋絨襖  
一件牙快二十雙珍珠八十顆銀三兩二錢謝

二分得青布道袍一件白綿紬褲一條白布褲  
一條銀茶匙十張珍珠八十顆銀三兩一錢呂  
二分得月白潞紬襖一件揸花卓圍四箇青布  
披襖一件青布綿褲一條布襪一雙烏木快十  
雙珍珠八十顆銀三兩將金銀首飾分作五堆  
王二因買兇器用過本錢收起雙分又向呂二  
謝二說稱贓物你們且拏些衣物去使用首飾  
你們不會使看犯了我與你二人收着零碎來  
取是王二就將首飾變賣間致被旗尉緝知將  
元并王二謝二呂二捉獲到官審供前情隨於

元名下追出絨褐二疋白羅一疋月白綾披襖  
一件月白彭段衫一件白紬裙一條藍絲紬綿  
襖一件藍絲紬夾襖一件銅爐一座王二名下  
追出青羅一疋絨褐一疋油綠紗一疋絨襖一  
件牙快十雙金蝴蝶一件金珠環一雙金廂玉  
簪一對銀餅簪一對銀鍾一箇碎銀鍾二塊銀  
鈕二件珍珠八十顆謝二名下追出青布道袍  
一件白綿紬褲一條白布褲一條呂二名下追  
出揸花卓圍四箇青布披襖一件青布綿褲一  
條布襪一雙烏木快十雙原使上盜刀二把鐵

尺一把鐵斧一把俱見在及追其餘贓仗各賊  
執稱陸續花費無存隨喚失主童寡婦童一聯  
前來供情認贓是實省令隨審外合將劫財傷  
人狠惡強賊朱元王二謝二呂二連見在贓仗  
恭候

命下通行拏送鎮撫司究問臣未敢擅便謹題請  
旨

崇禎五年三月

丙

日十五日題

聖旨這強犯著拏送鎮撫司究問

欽差提督官旗辦事錦衣衛掌衛事左軍都督府都

督同知臣張 謹

題為看得事該辦事旗尉羅萬春看得本月十八

日早

午門前各官行禮有兵科都給事中汪始亨病痊

見

朝行禮間鳴贊未唱平身本官先行自起又有詹

事掌府事禮部尚書董其昌陞授謝

恩行禮鳴贊楊承祖唱禮畢稍遲其昌先行退班均

屬失儀謹具題



知

崇禎五年三月十八日

欽差提督官旗辦事錦衣衛掌衛事左軍都督府都

督同知臣張

謹

題爲緝獲事據理刑千百戶方祥等呈該辦事旗

尉毛顯祖戴和王承恩緝獲偷盜

內庫段正違法犯人六名得財賣放犯人違法番  
役六名各到臣內審得翟有望供年四十八歲  
係保定府人招稱有望於天啓元年十月內應  
充

內織染局寫字崇禎五年三月初七日開庫取討  
靈濟等三宮真君服色是有望不合輒起盜心與

今在官同役周文趙科張坤趙堂劉文商議今日開庫可偷些段疋貨賣分用等語周文等各不合應允就乘開庫發放時每人身邊暗帶一二疋走出卸下在本役房內共約九疋零九塊至初八日早藏帶出外要行貨賣却被巡捕軍番今在官王禮陳德功王成趙祿耿忠汪浩并未獲張奉山張二張三李忠周二胡大口稱衛役將有望等捉至東城地方土地廟見不知名陳把總方知捕役意圖賣放不舉有汪浩等不合向有望等商說索銀是有望等欲求脫身湊

出銀六百兩付與汪浩等分散使用隨將有望  
等釋放致被旗尉緝知將有望并周文趙科張  
坤趙堂劉文及軍番王禮陳德功王成趙祿耿  
忠汪浩一同捉獲到官審供前情內捕番張奉  
山等逃走未獲就於有望名下追出錦段一塊  
周文名下追出織金段二疋趙科名下追出織  
金段一疋零二塊張坤名下追出織金段二疋  
零二塊趙堂名下追出織金段二疋零二塊劉  
文名下追出織金段二疋零二塊又於捕番王  
禮等名下追出銀一百二十兩俱見在及追其

餘銀兩各執稱花費并未獲張奉山等分帶去  
訖合將偷盜

內庫段正違法犯人翟有望等并捕番王禮等連  
追出見在段正銀兩恭候

命下通行拏送鎮撫司究問臣未敢擅便謹題請  
旨

崇禎五年三月

十八

日題二十二日奉

聖旨翟有望王禮等各犯著通行拏送鎮撫司究問

錦衣衛掌衛事左軍都督府都督同知臣張 等謹

題爲倒死象隻事據馴象所掌印千戶魏國臣申

據東伍掌印百戶杜大源呈據小旗宋汝忠稟  
稱有本伍內軍人史科李文德餵養母象一隻  
於崇禎四年九月初九日雲南解到原因走傷  
遍身瘡腫羸弱自來食草微慢調養至崇禎五  
年二月二十日瘡毒發動水草少進站立艱難  
等因到所隨喚醫獸李文到房調治看得本象  
瘡氣入內兼之疲弱似難調治於本月二十五  
日水草不進跌倒在地延至三月十八日未時

分氣絕倒死等因具申到衛據此查得舊例凡  
象隻倒死肉臟送光祿寺又查得天啓二年十  
二月內該本衛題爲倒死象隻事奉

聖旨以後倒死象隻著與掩埋欽此遵行在卷今有  
母象一隻倒死理合遵

旨掩埋謹具題

知

崇禎五年三月

三十一

日題二十四日奉

聖旨是該衙門知道

錦衣衛掌衛事左軍都督府都督同知臣張 謹

題爲遵

旨摘叅事該臣題前事訪得崔泌之係在刑部監禁

隨即移查果禁大監具本題

知奉

聖旨崔泌之既經提到該部如何又不鞫訊顯屬故意朦庇坐待開銷便著該衛提去據原叅究問具

奏欽此臣欽遵

明旨當將崔泌之原<sup>并</sup>叅科抄等件提取到衛謹據節

次叅疏祇承歷奉



嚴旨究問間又准刑部貴州清吏司手本將清苑縣  
申解庫吏冉夢陶郝應登馮振邦白魁蔡省己  
王加言馮世虎王崇智王三畏吳全性共十名  
續送到衛該臣究問得犯人崔泌之供年四十  
四歲係河南歸德府鹿邑縣人中天啟五年進  
士初授雄縣知縣於崇禎元年四月內調清苑  
縣知縣至崇禎三年六月內陞戶部主事未任  
招稱泌之素性急躁不安分義自蒞縣事以來  
嘗與知府史躬盛爭拗互相構隙因泌之陞任  
有本府清查未完錢糧數目稽留日乂憶念後

值巡按御史甘學闕巡歷保定府地方泌之只  
合公同按臺以理明辯不合輒逞暴氣將史躬  
盛扭結毆辱語多不循有甘按院問說如何這  
樣非體比史躬盛就說泌之侵隱錢糧三萬七  
千餘兩致蒙甘按院一時嗔怪未經查審遂據  
題叅奉

旨將泌之革任法司提問於本年十一月初四日提  
解到部監禁節經奉

旨著撫按詳覈確查有巡撫解經傳巡按甘學闕行  
委兵道推官會同多官查得原叅清苑縣未經

解府錢糧三萬七千餘兩係六年錢糧自天啓  
 五年至七年係前任知縣黃宗昌經管自崇禎  
 元年四月至三年六月止係泌之經管實歷二  
 年零二箇月前原叅官覆本已於三萬七千兩  
 數內開去一萬四千兩係黃宗昌任內事泌之  
 於崇禎三年六月陞任尚有本年秋冬二季未  
 徵銀一萬六千兩原叅官覆本已開載明白又  
 有民欠銀三千兩係在民間尚未徵完又因軍  
 興那借援兵行糧係墊借銀兩有冊可查及審  
 軍吏冉夢陶等各供稱崔泌之被知府史躬盛

呈巡按甘御史題叅已經撫按委官行查已次  
解銀有批迴拖欠有結狀俱有對證止因刑部  
未曾題覆又未歸結今蒙問實招前情臣恐有  
隱諱再鞫崔泌之供本縣每年額設民衛籽粒  
該銀四萬三千餘兩自崇禎元年至三年總計  
該徵額銀一十三萬二千二百七十二兩八錢  
零已徵完在官一十萬七千五百九兩八錢零  
未完共拖欠銀二萬四千七百六十四兩一錢  
零三年起解過京邊銀七萬七百三十八兩八  
錢零俱有總撒文冊批文又墊解墊支等項銀

三萬五千四百六兩四錢零係各上司取討打  
造銃砲及援兵行糧等項俱有硃批印信為憑  
又貯庫見銀一千三百七十三兩七錢零已交  
代後任知縣訖再將庫吏冉夢陶等逐一研鞫  
各供錢糧完欠收支數目見有印信文冊投部  
可查據此看得崔泌之素性躁暴居官不馴致  
有隙於知府史躬盛然錢糧數目自宜清查而  
泌之如果任內事件開具分明別無瑕疵尤當  
一聽按院考核為是胡乃逞忿憲臺而扭結則  
上下之體大乖即褫奪不足以盡其辜而口供  
遽難信以為確也臣遵

嚴旨魚據原叅備為究問各犯執供前詞如此合無  
勅下法司將崔泌之等一千人犯會官公同按冊細  
加磨勘再詳究擬庶情弊照明而姦貪剛愎者  
知所懲戒也臣未敢擅便謹題請

旨

崇禎五年三月二十四日題二十八日奉

聖旨崔泌之欠糧無抵方致糾叅豈有六月陞任即  
以本年秋冬二季未徵糧數叅作未完併民欠那  
借等項顯屬支飾招內批迴結狀印信文冊初時  
未有日又方言詭捏情弊尤明前旨著據原叅究

問張 如何不祇遵詳訊乃以性躁不馴等語

曲為庇解成何讞鞫姑且不究著再行研審詳招  
本內前任經管開去一萬四千兩作何銷除是否  
有據併供明奏奪

錦衣衛百戶臣寧光弘謹

題爲塘報事該兵部尚書熊明遇等題前事奉

聖旨孫元化宋光蘭王徵併余大成都著錦衣衛差的當官旗拏解來京吳維誠賈名樂秦世英王教官張燾卽著鄭宗周拏解仍將其餘避難士民家屬人等查明酌量安插該衙門知道欽此隨該本衛題差臣帶領旗尉陸應魁等齎捧

駕帖繇山東等處前到南直隸儀真縣地方將犯官余大成拏解來京見在謹題請

旨



崇禎五年三月

二十八

日題四月初一日奉

聖旨余大成著送法司究問具奏

錦衣衛掌衛事左軍都督府都督同知臣張 謹  
題為直糾不職餉司以安重鎮事該太子太師戶  
部尚書畢自嚴等題前事奉

聖旨和于朝原叅侵扣罪款訊實已皆有據何得以  
日义希圖飾卸併萬煥然等通著錦衣衛拏解來  
京究追欽此臣謹遵

明旨當差辦事旗尉傳承恩等將和于朝併萬煥然  
金尚聖俱於京中拏獲見在臣未敢擅便謹題  
請

旨

崇禎五年三月 二十五日題

欽差提督東司房官旗辦事錦衣衛掌衛事後軍都

督府都督同知臣郭 謹

題爲看得事本月初七日早該辦事旗尉羅萬春  
等看得

午門前行禮有西城兵馬副指揮俞師舜張顯譽

張成楚韓聖化俱謝

恩不到事屬違誤謹具題

知

崇禎十三年十一月 朔 日具題二十一日奉

聖旨已有旨了

欽差提督東司房官旗辦事錦衣衛掌衛事後軍都

督府都督同知臣郭 等謹

奏爲恭謝

天恩事恭遇

皇上

大祀

天於

園丘臣等荷蒙

聖恩

頒賜臣等甜食即叩頭祇領訖不勝感戴  
天恩之至爲此具本奏

謝以

聞

聖旨

崇禎十三年十一月

初八

日具題

日奉

欽差提督東司房官旗辦事錦衣衛掌衛事後軍都

督府都督同知臣郭 謹

題爲看得事本月十五日早該辦事旗尉李鏢等  
看得

午門前行禮有工部虞衡司主事沈士奇部題回

奏奉

旨免罰已赴鴻臚寺投遞報單謝

恩本官行禮不到事屬違誤謹具題

知

崇禎十三年十月

十五

日具題二十一日奉

聖旨已有旨了

欽差提督東司房官旗辦事錦衣衛掌衛事後軍都

督府都督同知臣郭 謹

奏爲遵例自陳不職乞

賜罷黜以公察典事該兵部題爲考選軍政官員事

內開錦衣衛掌印僉書等官例該自陳恭候

聖裁等因奉

聖旨是欽此欽遵備行到衛伏惟考覈乃官人要務

非黜幽不足以陟明而知耻爲行已大防稍貪

昧將何以自立臣年四十八歲原籍江西吉安

府泰和縣人臣祖子章繇進士歷陞兵部尚書

於萬曆二十八年以貴州巡撫蕩平逆播揚應

龍開疆展土微功邀蒙

神宗皇帝聖恩廕一子錦衣衛指揮僉事世襲又以剿  
平山苗路苗功奉

旨於原廕兒男加陞一級廕指揮同知世襲臣於三  
十七年中式本省武舉鄉試四十五年承襲前  
職到任受事天啓五年十二月陞南鎮撫司僉  
書恭逢

皇上御極荷蒙

聖恩於崇禎四年五月着臣堂上僉書管事十年四  
月奉

旨仍以堂上僉書掌南鎮撫司印本年八月以西司



房缺官奉

旨備員提督十二年九月邀

恩簡視衛篆歷陞今職切臣以樗櫟匪才仰荷  
累朝高厚並我

皇上特達

弘恩得以待罪

禁衛者二十四載已云萬為逾分且其勞績畧  
無愆尤時有加以肢體疲僵心智庸憤則宜  
先同列而引分求退者莫臣若矣伏乞

聖明俯卹愚昧或不誅譴而特

賜罷斥焉不惟

大典益光而微臣微

皇上於不朽矣臣不勝戰慄  
命之至為此具本親齎謹具奏

聞

崇禎十三年十一月十九日具題二十一日奉

聖旨郭

侍衛勤勞着照舊供職不准辭  
兵部知

道

欽差提督東司房官旗辦事錦衣衛掌衛事後軍都

督府都督同知臣郭 謹

題為遵

旨察奏事十月十一日鴻臚寺接出

聖諭鴻臚寺前旨諭傳文武百官於初八日卯時在

武英門恭視

皇考御容仍候跪送臨時已到者無多殊欠敬慎該寺

○連傳未到官員通著自行回奏不許遺飾欽此  
該臣衛署都指揮僉事王肇慶奏為遵

旨自行回奏事奉

聖旨王肇慶著該堂上官察奏欽此又該都指揮使

杜兆熊奏為遵

旨據實回奏懇

恩原情宥罪事奉

聖旨杜兆熊是否無牌著該衙門察奏欽此又該署

指揮同知劉承恩署副千戶劉承澤奏為遵

旨回奏乞

恩認罪併懇

聖慈俯勅察給牙牌以無誤

朝叅事奉

聖旨劉承恩等是否無牌著該衙門察奏欽此臣謹

遵

明旨察得署都指揮僉事王肇慶委於本月初六日

起初八日正在

東宮輪班該直率領旗尉察點儀仗等項責任攸  
關未敢擅離情似可原至於都指揮使杜兆熊  
并署指揮同知劉承恩署副千戶劉承澤俱係  
戚臣新授臣銜帶俸列銜散官緣尚寶司正在  
清察牙牌之際未經關領有悞趨

朝恭拜今奉有察奏之

旨臣謹據實奏

聞統祈

聖明裁鑒施行緣係遵

旨察奏事理臣未敢擅便謹題請

旨

崇禎十三年十月 二十一 日具題二十七日奉

聖旨王肇慶杜兆熊劉承恩劉承澤既察無詞姑免

究

存

欽差提督東司房官旗辦事錦衣衛掌衛事後軍都

督府都督同知臣郭 謹

題爲逆女因姦毆死父命事該原辦官郭自更旗

黃應選

周維綸張汝純何爾深等緝獲得通同姦夫毆

死父命逆女一口段氏姦夫行兇同毆犯人一

名崔二通姦主使行兇犯人一名曾道受賄隱

瞞不行報官私自擡埋總甲一名劉科雇工擡

埋犯人二名趙四陳大屍妻王氏干証張五美

到衛審得段氏供年二十三歲係寧晉縣人於

去年九月內投在西城關外地方菜園內居住

因未到官親夫趙進德推車營生時嘗不在家

中止同親父段景春親母王氏一同居住因貧  
寒向開園住人曾道借錢度日不合與曾道通  
姦日久至今年八月十四日曾道又與氏行姦  
被令打死親父段景春撞見就嗔罵曾道不已  
後曾道央許銀二兩遂寢此事有曾道長工人  
崔二於八月十六日聽聞此事向氏借針線為  
繇持刀一把挾姦一次有父段景春屢向曾道  
索取前銀曾道止與銀一兩七錢後氏父段景  
春要回鄉去因無盤費復向曾道等找要前銀  
有曾道與崔二止湊得錢一百文是氏父得錢  
同母王氏起身行至羊房店地方因盤費不足



不能歸鄉復回至菜園內於十月二十四日復罵曾道崔二是氏向父勸說不要罵了有父不依是氏就賭氣進房不理有曾道在便門裏居住見天晚恐關城門回家去訖止有氏與崔二在園內居住有父至晚又混罵一場見没人理他至二十四日五更時叫氏隨父回籍有崔二不肯放氏回去是氏父辱罵不休有崔二就持刀威逼氏說你與我先打你老子罷了你若不打我就將你殺了氏懼怕他殺不合向父脖頸上掌打二下是崔二見氏動手相打亦不合在傍言說你若打死他我好娶你崔二就用今追

出木棍將父狠打一頓臥地不起至天亮時有  
曾道從家中來園內看見氏父身帶重傷隨令  
崔二同氏併氏母王氏將氏父用筐抬至羊房  
店今在官干証張五美家門首尋房養病有張  
五美見氏父景春身帶重傷不肯留下隨令今  
在官總甲劉科將父景春復抬至菜園外空地  
放下氏父景春因腿被傷不能行走扒進園內  
大叫救人有崔二令氏用繩將父兩腿拴住拉  
出園外少時父又扒進園內是崔二復等行兇  
木棍將父小肚狠戳幾下隨令氏併今在官趙  
四抬至空房內於二十五日半夜時分氣絕身

死卽將本處總甲劉科叫到有曾道崔二公同  
商議不行報官講定與劉科錢五千文又央母  
王氏如不報官情願養老送終曾道每月幫貼  
米五斗崔二每月幫貼錢一千文各不合依允  
於十六日早復叫趙四陳大將父景春用席包  
裹抬在中路一鋪總甲劉科地方捨地內私行  
埋訖今被緝獲審得崔二供年三十五歲係真  
定府棗強縣人於崇禎九年內投到西城關外  
坊地方開菜園住人今在官曾道家做長工就  
在本園內居住因見段氏與曾道有姦是二不  
合持刀威姦一次後被段氏父今被二毆死段

景春罵辱不過二令段氏先行動手二隨持令  
追出木棍將段景春打了幾棍又用磚向腿上  
砍訖幾下抬至羊房店復抬回來是二又不合  
將段景春小肚處狠戳幾棍不意二十五日半  
夜時分身死又不合通同今在官曾道併總甲  
劉科不行報官私自抬埋又不合許過段氏之  
母王氏每月與錢一千文養老是實審得曾道  
供年五十八歲係宛平縣人開園生理因段氏  
親夫趙進德不在是道不合與段氏通姦日久  
後被長工崔二挾姦有段氏父段景春知覺將  
道併崔二終日罵詈有崔二懷恨在心就不合

於十月二十四日用今追出木棍向段景春身上混打幾下正嚷鬧間是道亦到傍喝令崔二將段景春抬至羊房店去罷道隨卽進城不意段景春半夜身死是道又不合許過段氏併伊母王氏每月與米五斗將屍私行抬埋是實審得劉科供係西城關外坊總甲十月二十四日有今在官崔二等將段景春抬至羊房店張五美家門首被科看見段景春尚有氣說話與曾道等相嚷後死時科未得見有曾道等叫科央說不必報官願送五千文止送科與家中錢四百文收訖餘錢尚未找足今蒙究審不敢隱諱

審得趙四供係曾道長工十月二十四日段氏  
與伊父因與崔二姦情相嚷後有崔二在傍助  
毆將段景春打倒在地是曾道等令四抬至羊  
房店後又抬回於二十五日半夜時分身死有  
段氏同曾道崔二將段景春身屍用席包裹令  
四與今在官陳大糧至中路一鋪捨地內埋訖  
是實審得陳大供稱雇工馬生十月二十六日  
早有今在官段氏令大同趙四抬埋段景春身  
屍不知別情審得王氏供稱係今在官段氏親  
母因女婿趙三推車馬生在外未回有女段氏  
與今在官曾道通姦後被崔二挾姦有先存今

已故氏夫段景春知覺罵詈成仇被親女段氏  
併姦夫崔二毆死氏在房內有崔二不容走出  
無處伸冤今蒙究問這是實情審得張五美供  
係已死段景春鄉親十月二十五日是五美見  
今在官段氏同崔二等將段景春擡至五美門  
首五美見段景春身帶重傷向伊問說爲何只  
等有段景春回云因姦情事起我女兒先下手  
打我兩箇脖子拐又着姦夫崔二等着實打了  
我一頓我命難保你可着人快抬我回去是五  
美見說隨叫今在官總甲劉科擡在鋪門有段  
氏說如無處安插可叫人擡放蘆溝橋沙灘內

死活從他去衆人不依是段氏復將段景春擡  
回至菜園去訖後來死的情節五美實不知得  
供吐情詞在案該臣看係滅倫大變事干人命  
重情隨批西城兵馬司將段景春身屍相驗速  
報去後今據西城兵馬司副指揮張顯譽申稱  
卑職遵卽帶領吏件人等親詣段景春掩埋屍  
所督令土工件作朱仁等將屍刨出移放平明  
地上眼同屍親辦旗如法相得段景春生年六  
十歲除沿身上下無故發變不開外仰面面色  
發變左腮腠青赤傷痕一處斜長一寸九分濶  
一寸一分棍傷右腮腠連右耳紅赤傷共一處



長二寸五分濶一寸九分掌傷上牙正當舊脫

一齒無存咽喉當正連左右有散碎青赤傷各

分寸不等抵搥傷兩手腕上下俱有紅赤傷各

分寸不等拉扯傷右前肋青赤傷一處長二寸

三分濶一寸七分磚傷臍肚近下青赤傷痕一

處長二寸三分濶一寸一分棍傷右膝紅赤傷

二處各長九分各濶六分磕傷兩膝連臙臙上

下俱有青赤傷痕相連各分寸不等棍傷合面

髮際散亂兩後肋上下俱有青赤傷痕相連各

分寸不等棍傷右後脇青赤傷一處斜長一寸

七分濶一寸三分脚傷左脚外踝青赤破傷一

處斜長一寸三分濶五分深見骨上有血汚形  
跡磚片傷相畢屍令總甲領埋看守外等因呈  
報到臣臣復將各犯逐一研訊確供前情無異  
就於段氏名下追出行兇麻繩一根崔二名下  
追出行兇木棍一根俱見在除王氏張五美趙  
四陳大省令隨審外合將段氏崔二曾道劉科  
伏乞

勅下北鎮撫司究問施行緣係逆女因姦毆死父命  
事理臣未敢擅便謹題請

旨

崇禎十三年十一月二十二日具題二十四日奉

聖旨段氏崔二曾道劉科俱着北鎮撫司究問具  
奏王氏張五美趙四陳大俱隨審

北鎮撫司於

月

日題

日奉

聖旨段氏崔二等著刑部依律分別究擬具奏郭承  
吳督緝淫逆有関風化著賞銀三十兩紵絲二表  
裡羊二隻酒三十瓶官旗彙叙該衙門知道

欽差提督東司房官旗辦事錦衣衛掌衛事後軍都

督府都督同知臣郭 謹

題爲欽奉

上傳事本月二十七日恭接

聖諭兵食機密等疏及密旨密諭各不應鈔傳者屢  
經申飭近聞又有不行恪遵者著廠衛緝事衙門  
嚴加訪拏叅奏定行根究所繇治以重罪不饒該  
衙門知道欽此臣遵奉

明綸卽傳諭辦事旗尉嚴加訪拏外所有原發  
傳紅一道理合隨本

進繳謹具題

知

崇禎十三年十一月 二十八日具題十二月初五日奉

聖旨知道了

欽差提督東司房官旗辦事錦衣衛掌衛事後軍部

督府都督同知臣郭 等謹

奏為敬捐微俸以助軍餉克襄

天討事臣等接邸報見

祁陽王奏為目擊時艱再捐薄祿少倡忠義以足

剿餉事奉

聖旨覽王奏再捐祿一年以助剿餉具見急公銀著

督師輔臣察收其親郡王皇親公侯伯及原腹

各官除教職倉巡驛遞願捐祿俸者聽該部知

道欽此臣等仰體

聖懷不勝感奮切以潢池未靖殊深憂

國愚忠沃野多蕪益矢忘家初志矧

聖主不遑暇食之際豈庸臣優游食祿之時即臥薪  
而嘗膽何俾

廟筭縱籌籌而心計曷濟軍興是以甫聞輸倡於先  
惟恐趨承後臣謹集同官敬將下悃各蠲一年

微俸之入用助六師朝食之需所有恭

進微俸共計銀四百八十五兩四錢六分六釐伏

乞

勅下戶部照數察收臣等無任悚息待

命之至為此具本謹具奏

聞

計開

臣郭

捐俸銀八十一兩六錢九分四釐

臣孫

捐俸銀九十五兩八錢一分二釐

臣黃

捐俸銀三十九兩三錢四分

臣駱

捐俸銀六十七兩五錢七分六釐

臣許

捐俸銀五十三兩四錢五分八釐

臣孫

捐俸銀三十九兩三錢四分

臣喬

捐俸銀三十九兩三錢四分

臣王

捐俸銀三十九兩三錢四分

臣蕭

捐俸銀二十九兩五錢六分六釐



崇禎十三年十二月二十八日具題十二月二十日奉

聖旨俸不准捐已有旨了該部知道

欽差提督東司房官旗辦事錦衣衛掌衛事後軍都

督府都督同知臣郭 謹

題為欽奉

上傳事該臣等具奏前事奉

聖旨余軫未到臺尉不全又服飾不謹及五所掌印

官何名即察明具奏郭 等各罰俸一箇月該

部知道欽此臣等恭遇我

皇上至誠格

天臣等一時疎忽不即加譴責姑各罰俸臣等不勝感

戴隨赴鴻臚寺投遞報單詣朝

廷謝外臣謹遵

明旨察得管理火把千戶余軫臣于十一月初三日

在

天壇察點不到隨差役方傳至

壇內其遲悞踈玩之罪自不能辭再察請臺亭座旗

尉每所每司炤人數之多寡均派應差有衣右  
所擎蓋司管總字旗掌有道旌節司管總字旗  
董秉隆幡幢司管總字旗李文麟衣中所弓矢  
司管總字旗葉桂竟爾不到致悞大差又察得  
衣前所旌節掌印百戶趙崇胤不行督催竟無  
一名旗尉應差殊屬怠玩至于服飾不謹察係  
衣右所接撥旗尉劉孝等緣偷安來遲多半青

衣在途忙迫未及穿服

駕衣又有衣後所戈戟司旗尉張世祚頭戴腦包  
擅自請臺亭座其不敬畏之罪甚矣再察衣左  
所掌印官史鳴鳳衣右所掌印官賈振芳衣中  
所掌印官張善教衣前所掌印官戴天祐衣後  
所掌印官吳邦輔職司總理各所司撥派旗  
尉應差交付委官管理至于沿途接撥旗尉有  
偷安肆玩不到者則有管總字旗之責也除違  
玩不到管總字旗掌有道等併接撥旗尉服飾  
不謹並戴腦包劉孝等容臣重加懲處革役墩  
鎖外其火把千戶余軫伏乞

勅下兵部從重議處百戶趙崇胤併行議罰庶人心

儆惕而

扈蹕嚴肅矣緣係欽奉

上傳事理臣未敢擅便謹題請

旨

崇禎十三年十一月二十九日具題十二月初七日奉

聖旨掌有道等遲悞不到劉孝等服飾不謹腦包

不去通着郭

墩鎖懲革余軫違玩尤甚着兵

部從重議處趙崇胤失於督催史鳴鳳等掌印不

能辭責俱着分別罰處一併具奏

兵部抄謄冊

崇禎十二年正月起

# 勅藁底簿

兵部為遵

旨摘覆司官條議第一款請祈

聖鑒實行事職方清吏司案呈奉本部送准吏部咨前事內開該本部題文選

清吏案呈崇禎十一年十二月二十五日奉本部送吏科抄出兵部題前事等

因到部送司案呈到部看得直隸地方遼迥兵備一官整飭兵馬稽覈錢

糧今值多事奉

旨准添誠為綱繆至計允宜增設今查有原任陝西按察司副使錢天錫原任浙江按察司僉事許成章見任河南按察司副使陸文衡原任江西布政使司右叅政馮敬舒見任湖廣布政使司右叅議張秉貞見任陝西按察司副使郭流俱各堪任既經兵部具題會議該司查呈前來相應題請令無將錢天錫等六員詳開履歷伏祈

聖明簡定炤擬各缺增設地方分轄州縣管理肅成恭候

命下日部遵奉移咨該部炤例請給

勅書關防仍給憑行令各到任管事遺下應補員缺另行銓補施行其劉在嗣仍駐劄易州楊本誠仍駐劄井陘縣吳鼎仍駐劄大名府所管地方既經分轄應另行請給

勅書關防其原請

勅書關防聽各官自行

奏繳可也等因欽此光緒十二年正月十九日本部署部事左侍郎董羽宸等具題二

十一日奉

聖旨是有點的依擬用仍各帶原降俸級著立限來京陛見欽此欽遵抄出到部

送司相應移咨案呈到部擬合就行為此合咨貴部灼始

明旨內事理欽遵始例請

物施行等因到部送司案呈到部擬合就行為此合具揭帖差土事張若麒齋

赴內府翰林院撰給施行領至揭帖者

計開請

初官六員

增設整飭保定兵備通事務分管南十州縣駐劄蠡縣山西按察司副使仍

帶降一級錢天錫

崇禎十二年正月二十九日兵部手本到閣是日即派辦



大學士臣劉 等謹

題談臣國觀等接得兵部手本為增設保定兵備錢天錫真定兵備陸文衡

順廣兵備張秉貞及舊設兵備劉在朝楊本鉞吳鼎誦

勅緣錄查六道既經分轄

勅書應另改擬其駐劄雖已有定而所管州縣閔隘知之未晰難於二

詳定合令該部行該撫按查確回覆然後撰擬謹具獨

奏

聞恭候

聖明裁定施行謹

題

崇禎十二年正月三十日上二月初二日奉

聖旨是即着該撫按查議速奏該部知道

分守宣府龍門所路等處叅將介有詔兵部請

勅手本

崇禎三年正月三十日到閣因本官無官銜行查

制勅房為公務事奉

中堂批據兵部手本移請宣府龍門所路等處地方叅將介有詔

勅書到閣查得來文內止載叅將介有詔其官銜未經載入不從辦理為此合用  
手本前去

兵部職方清吏司煩為確查移覆以便呈

堂辦理施行須至手本者

崇禎三年二月初三日行

兵部職方清丈司為公務事准

制初房手本前事內查得舊有詔官銜緣繇到司准此查得舊有詔近該昌  
宣分監魏邦典題補宣府龍門所路參將本部覆奉

欽依以參將管龍門所路事是以本部前移止裁參將本及新銜今應照新例  
參將以署都指揮僉事職銜管事既准前因相應回覆為此合用手本前去  
制初房燭為查照施行須至手本者

崇禎十二年二月初六日即中孫嘉績

翰林院寫完

勅諭署都指揮僉事晉有詔一道請用

勅命之寶一顆

丹符

皇帝勅諭署都指揮僉事晉有詔近該督撫官題稱宣府北路邊牆踰濶迫  
近虜巢要將下北路添設叅將一員分守龍門所等處該部議覆相應  
今命爾管分守宣府龍門所路等處地方叅將事駐劄龍門所城專管  
下北路龍門所牧馬據田滴水崖寧遠鵬鵠長仲地長安嶺八城堡平  
時操練軍馬修理墩臺鋒利器械有警身先士卒相機截殺如相連地  
方遇警互相應援毋得自分彼此其該鎮屬吏亦要查照近題事理加  
意撫防毋貽釁孽一應令行事宜悉聽總督鎮巡官節制爾尤須持廉  
奉法正己恤下盡心邊路以稱委任如或貪黷愆事法不輕貸爾其勉  
之慎之故諭

制勅房為公務事茲因兵部手本為增設新道請

勅緣錄到閣奉

中堂諭各道新轄州縣俱已分載第細查舊道易州兵備原

勅紫荆一關至白石口總及山西廣昌靈壽等縣并事有干涉巡撫山西都御史  
一體呈請施行

新道錢天錫

勅中須載入否

舊道井陘兵備原

勅常在井陘暫住曲陽今曲陽業已分屬新道則舊道

勅中宜刪去此等字面但未知新道駐劄定州之外還宜暫住曲陽否至來起插

箭嶺總至石橋嘴等口及山西平定州樂平等縣屬新 舊或新舊交管等事

舊道大名兵備原

勅山東河南直隸隣近州縣并順德府所屬閑隘至管理山東河南各道等事屬新  
屬舊或新舊交管奉此合用手本前去

兵部職方清吏司煩為逐一細查此係緊急  
勅書即時速覆以便檄擬施行須至手本者

崇禎十二年二月十七日行

兵部職方清吏司為公務事奉本部送該本司呈稱

制勅房手本前事等因到司准此竊煇易州舊道原奉

勅書管理紫荆及山西廣昌等縣則新道似不可載并陞舊道奉有暫住曲陽之

勅而曲陽既隸新道距定州止一程似俱不必載也又查揀箭嶺近倒馬今屬新道

平定所今屬舊道或應分隸為便大名舊道原

勅山東河南直隸州縣似宜仍舊而順德府所屬閔隘似宜屬之新道以順德全府

既隸之不便又屬舊道也統候

本閣部裁奪以便移覆施行等因呈堂奉批照行奉此相應移會為此合用手

本前去

制勅房煩為查照施行須至手本者

二月十八日到

戶部為亟補運司官員事山東清吏司案呈奉本部送准吏部咨前事內  
開山東運使唐世熊駐劄省城今濟南失陷員缺既經鹽臣移會遴補查  
有河南歸德府知府王運昌堪任恭候

命下移咨該部照例請

勅等因崇禎十二年二月初四日奉

聖旨是有點的依擬用欽此欽遵抄出到部并將本官履歷咨送查照請

勅等因到部奉批司查行奉此查得山東運司向固未有

勅書崇禎七年三月內本部題覆長蘆巡鹽御史李一鵬為微臣奉差事後等事

內開一重事任長蘆山東兩運司鹽行燕魏齊魯之墟畛域遼廓地近海濱廣  
斥之處奸弊叢生運使與州縣衙門向無統轄每以贅疣視之稽查勿攝置若

罔聞銷引催科盡同故事鹽臣欲比炤兩淮兩浙加

勅例除已體統假以事權所以重

國計也所當

勅下吏部酌議等因奉



旨酌議隨該吏部覆稱崇禎三年十一月六年正月內該本部題覆兩淮兩浙運使給有專  
勅炤道臣行事以重事權等因題奉

欽依遵行在案今鹽臣欲炤淮浙加

勅之例計部覆

請奉

旨酌議山東長蘆課額少遜淮浙官級職掌原無軒輊似應炤例

請給合將長蘆山東鹽運司炤例以道臣體統行事凡鹽行燕魏齊魯之地事關稽查

勾攝銷引催課經臨州縣悉聽覈實查叙若嗣後州縣故意違玩仍置罔聞以

致鹽課不足俱聽鹽臣考成奏處等因奉

聖旨是欽此欽遵即請

勅備領相傳交代在案今山東運使王運昌以濟南失守另行請

勅相應一面移會

內府翰林院撰

勅一面行令該運司為人赴請等因案呈到部擬合就行為此合具手本差本部東

清吏司郎中楊景明齋赴

內府翰林院請

勅施行須至手本者

計開

王運昌年四十四歲直隸蘇州府常熟縣人進士

崇禎十二年二月十九日到陞

勅山東都轉鹽運使司運使茲以鹽賦國計攸關山東宜加清理特允部議焜道  
 臣體統行事如尔勅書以重事權焜依先今題准事理嚴查場電戶丁稽數  
 派銷引目督肅捕役緝捕私鹽節省供費催比徵納釐剔胥蠹疏通積壅務  
 期上足課額下蘇商困其僚屬不法聽尔參稿中究尔專屬巡鹽御史節制  
 別院不得掣肘勅中開載未盡事宜聽尔酌呈巡鹽御史停當奏行尔受茲  
 委用宜持廉秉公正已率下俾鹽法修舉轉輸有賴方稱任使如或踈玩滋  
 弊責有所歸尔其慎之慎之故勅

大學士臣薛 等謹

題該臣等接得兵部手本為畿南舊道劉在朝楊本鍼吳鼎增設新道錢

天錫陸文衡張秉貞請

勅緣繇到閣查得新舊各道責任相同轄屬互異謹據部文將紫荆井陘大  
名三道舊稿內所應載入新道者一一刪去其新道所管州縣及分隸事理  
臣等細加詳酌撰擬進呈

御覽未知有當與否恭候

聖明裁定施行謹

題

崇禎十二年二月二十八日上

新道兵備副使錢天錫駐劄蠡縣 分管南十州縣

蠡縣

博野縣

新城縣

雄縣

安州

高陽縣

新安縣

祁州

深澤縣

東鹿縣

勅山西按察司副使仍帶降一級錢天錫今准該部題覆增設事理特命爾整飭保定兵備在蠡縣駐劄分管保定府屬蠡縣博野新城雄縣安州高陽新安祁州深澤東鹿南十州縣專一操練兵丁整頓器械防捕盜賊問理刑名仍兼理馬政查點人馬禁革奸弊一應合行事宜聽爾區畫遇有盜賊生發選委巡捕官統領剿捕若邊關有非時警報會同易州兵備馳赴應援不許自分彼此凡所轄有司官員如有貪殘不職玩寇殃民應提問者徑自提問應參奏者具奏處治爾仍聽督撫官節制查據吏兵二部近題事理帶管驛傳兼督糧餉稽覈錢糧嚴查應付勘合并驛遞官吏人等作弊害人者俱要盡法禁治每年將行通事宜開送巡撫衙門轉咨該部查考不許取具文移了事仍聽督餉衙門節制再炤近日部覆科議清也

田以贍軍餉一應操種事宜加意料理蠶期就緒又據部議較武款內事  
理遵於所屬州縣查炤武生名數嚴行考試務得真正材勇勿事虛飾尔  
為憲臣受茲委任須持廉秉公正已率下務使軍民安妥盜賊屏息地  
方寧靖斯稱任使毋得因循怠惰自取罪戾尔其勉之慎之故勅

永平兵備通會事兵民仰兵部請

初手本

十二年三月初一日到開戶部手本

五月初十日到開

勅山水右使司右叅政兼按察司僉事兵民仰今特命尔整飭永平等處兵備兼理監軍事務管理燕河營建昌營二路駐劄永平府分管該府所屬盧龍遼安灤州三州縣永平盧龍永勝左興州右屯四衛專一撫處災情聽理詞訟修葺城池操練人馬查處土客錢糧前修關營墩牆管理神器甲仗修蓋營房倉庫每年正月半七月初上邊三月盡九月盡下邊其守邊之日稽查奸弊監督戰守下邊之日如遇有未完邊工及簡閱兵馬諸務仍選委州縣才能官一員前去代理及將所管該路土兵通行蒐選設法教練練有成效不次擢用因循不振從重懲罰尔聽督撫官節制仍兼管屯田驛傳海防事務查始戶兵二部近題事理看實舉行每年終通將開墾過田畝目造冊奏繳看冊送部徵給過站銀及行過事宜開送督撫衙門轉咨該部查考入據部議校武款內事理遵於所屬衛所始依武生名數嚴行

考試務得真正材勇毋事虛飾不受茲委任須持廉秉公止已率下急心  
經理以循地方如或怠慢誤事誤事責有所歸亦其飲承之故勅



初山水庫政使司右參政兼按察司僉事兵民仰今命亦不妨原務協同管糧郎中  
將本鎮土客兵馬數目從實查覈要見某處土兵若干客兵若干舊數有無  
增減總數有無相同細問應支錢糧實數仍查各兵何時調到何時撤回得  
聽憑覈報虛增違者即將各將領員役查照律例從重奏究每年終部官  
將收放過各兵馬代糧數目亦將土客兵實數并客兵上邊撤回日期各造冊  
送部以備互相稽查所有解到漕糧併召買米豆俱要如法積貯如家石  
棍徒有仍前包攬稽書奸商交通作弊者即便嚴拿問遣其各邊倉庫  
行應撥衙門嚴查籍貫保勘明白方行撥充有仍前稅籍冒充者一體  
問革如糧米爛惡銀數短少查始年月將各經營員役據實奏奏近因逢  
左需餉道艱新題事例兼管將運糧餉事務仍聽督餉侍郎約束不受茲  
委任須持廉秉公止已率下俾糧無虛耗軍有實惠斯為不能如或怠慢誤  
事有石所歸亦其飲承之故勅

守備山西寧武閭地方兵部請

勅于本

三月二十日到閭同何南英共一手本南英係

陳命辦手本在陳收

勅署指揮僉事周訓今命尔守備山西寧武閭地方操練軍馬修理城池督餉  
墩臺防禦賊寇保障居民一應軍務悉聽總督鎮巡及該地方副參等  
官節制不准偏執違拗有乖事體尔尤須持廉奉法勤事恤軍同副委任  
如或營私賄貨生事擾人罪不惟貸尔其戒之慎之故勅

總督東廠太監李承芳請

勅手本

四月初日到開其

批紅在周俞櫺內監包裏

勅總督東廠官旗辦事司禮監秉筆太監李承芳今特令尔不妨本監事務總督東廠錦衣衛千百戶二員旗尉一百三十名於京城內外暗行密切體訪皇親文武大臣官文軍民人等有不軌謀逆私論朝廷大事交通王府結交內侍糾集邪黨公行賄賂因上行私非法殺人妖言惑眾倚恃勢豪謀奪田土坑匿人命兇攬錢糧侵盜庫藏燒煉假銀偽造印信貪淫會飲夜聚曉散及有罷閑官吏隱住京師起威詞訟無稽遊棍指稱各衙門打點及借稱山人墨客醫卜星術變詐之徒妄言亂政搖惑人心俱從實具奏務要的確不許以無為有以虛為實及搜求小事攬害平人并報復私讐遇有投揭匿名牒子依律即便燒燬不許送官如能連人捉獲者照例給賞其所用官旗俱要老成公正不許接受賄賂將有罪者隱匿不奏無罪者聽屬陷害違者旗尉必殺不赦所管千百戶皆不輕恕尔亦不得容縱見今在廠官旗有平日行止清謹者始舊留用果有交通人情稔

熟貪賄作弊生事害人者即便革退其舊時曾經革退者不許營求再補朝  
廷重不為腹心託以祕務亦能持已教慎不憚勞怨尤須謹密毋縱官旗生事  
以副朕委任至意亦其欽承之故勅

巡撫安廬池太四府僉都御史鄭二陽兵部指

初手本

四月十一日到閣

皇帝初諭都察院右僉都御史仍帶降一級任俸四次鄭二陽茲以合剿流寇制勝萬  
全皖控上游宜嚴扼要今特命爾協理剿寇軍務巡撫安廬池太四府兼轄光  
州固始新州廣濟黃梅德化關口彭澤等州縣地方駐劄安慶爾即遵始  
該部題准事理將見在新舊額兵五千仍隨餉日措餉多寡再行召募  
務要選練精壯整肅號令犀利器械嚴密偵探視賊所向督兵前進會同  
督理鎮撫協力截剿嚴飭有司保守城池設法防禦如有糧運不繼阻撓軍  
機違道不前縱軍脅寇者文官五品以下武職四品以下徑自拿問士卒臨  
陣違縮即以軍法從事事干鳳應豫楚各撫相與計議而行道府副參  
而下聽爾節制爾聽督理節制初聞載未盡機宜聽爾隨時酌處奏指行  
事尔反茲委任須殫忠運籌鼓勵將士廓清寇孽以靜地方斯為尔庸  
如因循怠玩養寇殃民寔與具存必不輕貸尔其勉之慎之故諭

陝西副使管榆林中路兵備王裕心兵部請

初手本

四月十一日到閣

勅陝西按察司副使王裕心茲以流寇蔓延亟須剿滅而秦晉分界互接難防特  
准部議各道兼制協捕今不妨尔原管地方事務還照依題准事尔於整飭  
榆林中路兵備兼分巡雙山賓樂鎮成保寧響水波羅魚河歸德鎮  
川等堡舍場榆綏二衛綏德米脂清澗三州縣及近日題將靖邊道所管  
迤東清平威武懷遠三堡邊牆一百一十里屬尔分管外其山西寧南道  
所管臨縣石樓永寧寧鄉各州縣黃河一帶地方閑隘亦聽尔會同翼  
南道臣一切軍務邊情民生吏治沿邊府佐互相統攝嚴督守備操守坐  
堡等官整飭兵馬器械修葺邊牆城墩與副叅遊擊防禦地方禁戢  
盜賊左流寇生發隨地相機調度協力擒拿不得觀望延遲如有臨陣不  
前損傷士馬搶擄地方不法將領盡行舉報叅呈督撫究治仍須召墾  
荒田催督民屯倉場糧草遵迨近日部覆科議清屯贍餉一應操種事宜

加意料理會查監易時估稽查姦弊聽理詞訟兩地兼轄一體考成人據部  
議較武款內事理遵於所屬衛所始依武生名數嚴行考試務得真正材勇  
毋事虛飾亦受茲委用須將廉秉公同心共濟務伴邊備修舉寇警萬平  
地方寧謐方稱任使如或因循偏執推倭誤事者有收歸不其慎之慎之故  
勅

陝西按察司僉事曾監軍道事伍右文兵部請

初手本

四月十八日列閱

初陝西按察司僉事仍帶加服係一級伍右文今特命小專監臨鞏秦徽漢  
南平鳳等處諸剿軍務小印應始部覆總督分派事宜稽查文武功罪惟  
與一應軍需領兵官各務入山分扼要害據塘哨探恪昭信地設伏把截撒  
塘接應互相偵報呈馳特角本色未至嚴督廳委設法償運隨營支給  
其官兵經過地方仍時刻稽查必令駐宿城外預撤州縣官備給糧馬鍋  
竈如有易買兩平貨值務期兵民相安秋毫無擾過有斬獲功級卽同監  
紀等官親加辨驗果係強壯賊首方據實具報如將領紀律不嚴縱兵  
詳擬親望昧怯貪餌縱逃殺良冒功掩失棍徒及婦女幼小首級充數  
併廳委糧運稽誤或監惡不堪抑和侵剋等弊卽隨時申報總督撫  
按察究止法亦受茲委任須公虛詳確實心共濟如何情偏執扶飾隱庇  
覈驗不實具報不登乖方倚事罪不小貸亦其慎之毋忽故勅



宣府守備劉胤昌兵部請

勅手本

四月二十八日

勅著指揮僉事劉胤昌今命尔守備宣府四海治堡地方在堡駐劄務  
要操練軍馬撫恤士卒修理城堡防禦虜寇無事往來查點軍士  
有警彼此互相應援仍協理海宇口事務其海宇口擦石口大峪山千把  
總等官俱聽尔約束尔仍聽總督鎮巡劉崇等官節制尔尤須持廉  
奉法止已率下以副委任如或介蹟倚事罪不輕貸尔其慎之故勅

山東參政兼僉事上國賓去部請

初手本

五月十三日到聞

勅山東布政使司石參政兼按察司僉事上國賓今令不分巡濟南道駐劄省城兼管歷城并泰安肥城長清禹城齊河等六州縣馬步快壯與濟南二衛官軍共一千四百九名會同操捕都司嚴加巡緝緝捕盜賊防禦地方其境內州縣衛所官員俱屬統轄及一應巡捕馬政并濟南肥城二衛所班軍屯田等項事宜悉聽本料理仍照新題事例兼管途餉仍聽巡撫并總理河間都御史節制再照近日部覆科議省屯田以贍軍餉一應操種事宜加意料理查勘底績人據部議較武款內事理遵於所屬衛所始依武生名數嚴行考試務得真正材勇毋事虛飾尤須持廉秉公止已率下以稱任使毋或曠職忘事自取罪愆亦其勉之慎之故勅

戒勉榮王等上禮部請

勅手本

五月二十五日到閣

皇帝勅諭榮王近換兵部題稱王因寇氛未息倡率修城用使雉堞巍然金湯屹若且能愛養人士約束宗藩高義可風樂善靡倦朕甚嘉悅特賜勅旌獎俾相封知所矜式王宜益崇懿德以永令名欽此故諭

皇帝勅諭周王近換兵部題稱王遵規守禮緝衆好施淳德雅重於求平令名媲美於河間克因宗子用壯熙朝藩室儀型天潢揆朕心嘉悅特賜勅旌獎以為諸宗矜式王其益敦素履長進休榮欽此故諭

皇帝勅諭魯王 文同

皇帝勅諭惠王近換兵部題稱王因流寇披猖軍興旁午捐貲助餉不吝數千萬金禦侮全城保民衛國瞻慕急公之大誼良可示勸於維城朕甚嘉焉特頒勅褒獎以昭朝廷旌崇風勵至意王其祇服寵章彌輝屏翰欽此故諭

皇帝勅諭桂王

文同

皇帝勅諭蜀王近該兵部題稱王秉性忠誠當機慷慨獎率文武禦寇除奸封國臨危而復安流賊去成而後收無愆磐石有裨封疆朕甚嘉悅特頒勅往獎為諸藩勸上其懋宣聲績永尉本枝欽哉欽諭

皇帝勅諭吉王

文同

皇帝勅諭楚王上年未寇虜肆毒危逼宗盟濟南不虞德藩家難前車可鑒朕矜朕心凡藩封所任國戚之武等官已經嚴飭改圖保衛周穆王亦當以商師為戒務要遵法守禮輯衆好施毋斂怨於地方以貽禍於疆土股肱王室副若邦之將監中和等官傳着嚴密防範毋違一詞乃憂勞茂族藩有國之令名右朝廷無疆之福慶王其飲承之故諭

皇帝勅諭鄭王

載璽

襄王

湘銘

慶王

帥鉉

肅王

懋銘

唐王

才錄

岷王

金鑾

潯王

常勝

福王

常洵

瑞王

常浩

趙王

常使

淮王

常清

瀋王

迴洪

崇王

由楨

衡王

由楸

秦王

存機

晉王

審烜

代王

傅齊

荆王

慈壘

益王

慈炎

韓王

韶暉

靖江王

亨嘉

文俱同

禮部為天下

藩封至多保護宜亟謹陳做成永議仰祈

聖鑒飭行事儀制清吏司案呈奉本部送崇禎十二年五月初八日准兵部咨稱竊炤  
濟南不虞

德藩蒙難此

本朝近三百年未有之變而一時日子之罪無所逃者也日痛定思痛轉更寒心  
則奴虜外患之外又流寇內患之可慮而指數微目任事以來秦寇逼漢則

瑞藩急關寇逼衡則

桂藩急閩寇逼信則

益藩急而且如豫地則有

周藩之在汴

福藩之在雒

崇藩之在汝

唐藩之在宛楚地則有

襄藩之在襄

惠藩之在荆

荆藩之在蘄皆大賊往來震隣剝膚歲無寧月者又如奉鐔句賊則

蜀藩危由檣句賊則

吉藩危與夫

祁陽之遷小邑

靖江之告安戍尤出乎常意料之外幸仗

皇上如

天之福仰承

祖宗佑祐之餘雖凶懼孔多而保全無患然以今思之則亦安可長恃

福庇而不為之所也是故願哉

皇上特勅頒行凡省直

藩封所在城池如不堅深兵馬如不訓練糧草如不儲蓄器械如不整頓該撫按道府及都司衛所等官有總兵副總兵守去處即當各任其責先具職名甘結奏報御前勅下部科存案如有疎虞認罪無辭是則保護

藩封第一急者萬萬不容緩圖者也抑齊南之事臣不忍言不敢言然如大庾臨城而尚責元旦之朝

賀則仰微

天聰窮民守隘而恠捐犒賞之金錢則見存奏章其他道路喧傳紛紛欽怨之事固皆內外司所官員縱令下人為之而貽禍若斯之烈則不特下人受之而已是誠可痛哭果何為堂不可以惺然悟哉臣每於章奏見

周王之賢近開拔兵領

晉王之賢而在臣卿里則

惠王

桂王之賢皆捐資助餉不吝數千萬金保全地方以衛

王國而

蜀王

古王之賢獎率文武立除內奸使封國垂危而後安亂賊垂成而立敗此又深有利於朝廷土地人民不直自保而已者至臣郡

榮王國稱貧薄而近日修城一事倡率捐資大破舊格約束群下愛養士民彷彿古之為善最樂者我

皇上或頒

勅寫書優加獎勸以昭示

諸藩使皆捐金錢繕城守發倉粟賑貧窮毋受授獻以奪人之房產資財毋縱下人後輟其軍民士女毋信偏詞而入

告使奉勅之下多寃毋聽司所之侵官使有司之法盡廢斯則高而不危滿而不溢長守富貴以與

宗社同休豈非有國之全名無疆之福慶哉臣方俟



斧鉞而敢盡愚言誠恐案中脊脊

主上深憂臣一言而死則終無

上聞之日也等因崇禎十二年四月二十九日本閣部楊 吳題五月初三日奉

聖旨這奏說得是年來寇虜肆毒以致危逼宗藩殊軫朕念今後所在同城文武等官保

護倍宜周豫一切修練儲備俱要勒限親身實做不許苟且套塞仍將做過事蹟併

職名甘結具奏存案倘有疎虞定從重論各藩亦當以濟群為戒務要遵法守禮

輯衆好施以盡藩誼以保封土本內如榮王賁能捐修併周王魯王惠王桂王蜀王吉王之

賢仗足風勸著各賜勅書優獎餘仍通行頒勅戒勉該衙門知道欽此欽遵抄出到部擬合

就行為此合咨禮部煩照

明旨內事理欽遵謹

勅獎勉頒布施行等因咨到部送司案呈到部擬合就行為此合具手本差代辦吏陸順庚齎赴

翰林院煩為欽遵撰述施行須至手本者

崇禎十二年五月二十五日到閣

真定守備孫經世兵部請

勅手本

九月初四日到閣

勅指揮會事孫經世今命守備真定地方統領神武右真定定州三衛官軍及武功騰驤二衛下屯官舍軍丁守禦城池防詰奸宄遇有盜賊土盜亦即督率精熟武藝官軍協力緝捕務要得獲以靖地方仍聽鎮之叅將節制一應石司民下不許干預亦須持廉奉法務使武備振修以副委任毋或貪黷貨利剝削下人如違罪不輕貸亦其慎之故勅

杭州抽分主事張宏弼工部請

勅手本 九月初五日到閣

初二部主事張宏弼今命尔前去浙江杭州抽分不宜違炤題准事理將本部發  
去印信文簿二十四扇四扇發與該府知府登記所收銀數四扇按季繳部稽  
查四扇發與陰陽生登記報單數目四扇尔自收掌為掛號簿逐日開某號  
單某稅若干某時發訖四扇發與該府佐貳官為銷號簿逐日開某號單  
某稅若干某時收訖遇有客商報到物料尔等同該府佐貳官親到河下逐  
一看驗嚴究欺隱等弊仍始則例從寬逐項抽驗某物若干填註簿內隨將  
前項銀物數目親填稅單送該府知府驗單收銀不許勢豪仍前包攬  
侵剋該府稱完全記簿內每月終總結共計若干互相覺察不得徇私隱  
漏亦不必拘泥上年數目多寡止據實稅仍將逐日收過錢糧備開簿  
內年終繳部備查仍會同撫按選委各府推官一員按季更換聽尔等同  
抽驗錢糧登記簿籍如有抗違者聽尔指實呈部察究每年終備開委

官賢否到部轉咨吏部黜陟其清江廠造船額銀除扣解外餘銀并  
前任管廠官未完銀兩務要追足同小抽收過錢糧始該部近題事理  
買辦銅鉛解京以資鼓鑄不許別衙門擅自那用仍將抽收過竹木板  
枋等項價銀數目按季報部一年將滿預先呈部差官更替到日將經  
管一應錢糧卷簿關防交代明白造冊奏繳仍聽本部考覈果無欺弊方  
許復職入該工部題准將本處剝船并河道俱屬尔一併管理尔受茲  
委任須廉謹自持釐革宿弊務俾國課充足斯為尔能如或貪肆廢  
職罪不容逭尔其欽哉故勅

河南衛輝遊擊卜從善兵部請

初手本

九月十六日到閱

勅署指揮使卜從善茲以流寇披猖親藩重地尤宜整備今特命尔管河南  
衛輝遊擊將軍事尔須炤依部覆事理專駐防剿將所部兵馬并統領  
挑選屬縣民兵五百名嚴加訓練中飭紀律犀利器械密行偵探無事布置防  
禦如遇寇警即督率將士向前堵截儼附近府縣別有聲息不妨呈馳協剿一切  
軍機密察督撫與該道詳酌而行仍聽督撫節制尔受茲委用宜殫謀奮勇  
實資捍禦以靖地方如怠玩偏徇致誤軍機罪不小定尔其勉之慎之故勅

陝西三眼井守備郝昌胤兵部請

勅手本

九月二十九日到闕

勅署指揮僉事郝昌胤今命尔守備陝西三眼井堡地方統領馬步軍兵共  
九百三十五名駐劄本堡平時操練軍馬修理城池防禦虜寇遇警互相應援  
併力截殺保障地方仍聽督撫鎮道等官節制尔須持廉奉法正己率下  
以副委任如或貪殘倚事法不輕貸尔其慎之故勅

鎮守宣府總兵官羅俊傑兵部請

初手本

十月二十四日到

皇帝制諭署都督僉事羅俊傑今令不掛鎮朔將軍印充總兵官鎮守宣府等處地方仍令副總兵協守不須同守城池俟休軍馬過有賊寇相機剿殺其叅將等官各照舊令守所統官軍悉聽節制如制奉行

皇帝勅諭署都計會事羅俊傑令令不掛印充總兵官鎮守宣府地方整飭兵備中  
廉疏令操練士卒固守城池撫防屬夫毋始滋事遇有賊寇相機戡守其所  
陳兵馬如虜來不堪剿殺或數日短少苟有所歸凡事與監守內日地撫等官  
從長計議停當而行務在同心協力保障地方毋得偏私執拗有誤事機應與大  
同昌平薊鎮總兵會議者不得侵越惟該戶部運到銀兩遇有同度與監守地  
撫及管糧郎中眼同支給務要銷註明白年終送部以憑稽考亦不許科徭擾  
害軍民致生嗟怨其府官有司各執鎮屬之禮應該收保等項有違調度許以  
衆處所屬參遊都司守把衛所等官俱聽節制中軍千總會同監守巡撫從公  
選用其餘未盡事宜隨時酌施行不受茲問今須聽忠竭誠持廉奉法正已率  
下寧靖地方庶稱委任如或怠肆情事憲典具存決不輕貸故諭



山東按察司按察使趙建極兵部請

勅手本 十月二十七日到

初山東按察司按察使趙建極奉命小整飭沂州嶧縣費縣剡城曲阜泗水滕縣鄒縣滋陽各州縣并境內各該衛所屯營兵備及寧陽縣巡務在於沂州駐劄仍兼管嶧滕二縣加河催督工程稽核錢糧催償糧運每歲春月糧運經行移駐嶧縣就近巡防運艘畢渡仍回沂州駐劄往來各該地方督同軍衛有司揀選官軍合餘召募義勇壯快操練武藝督捕盜賊保障地方兼管馬政該用馬匹器械賞勞等項聽爾設法整理不須中嚴號令禁約下人勿容邀功生事害及良善凡一應事宜務要區畫詳明措置周密小則從便施行大則奏請定奪該管有司衛所官員如有貪殘不職玩寇殃民應提問者徑自提問應參奏者具奏處治仍照新題事例兼管糧餉聽巡撫督餉部目并總理河通官節制再照近日部覆科議清屯田以贍軍餉一應操種事宜加意料理各期底績入據部議較武款內事理遵於所屬衛所照依武生名數嚴行考試務得真正材勇毋事

虛飾小為寔日受茲專任尤須廉以律已嚴以蒞衆務期武備修舉盜息民安  
以副委用毋或因循怠玩及處置乖方自取罪責小其慎之故勅

延綏巡撫劉令舉兵部請

初手本

十月二十八日到閣

皇帝初諭都察院右僉都御史劉令舉今命不巡撫延安綏德等處地方督理軍務  
訓練兵馬整飭邊備防禦賊寇前理屯田興舉水利預備衣甲器械糧草修  
理沿邊城堡墩臺家堡除延安綏德慶陽三衛在不所管外其延慶二府錢糧  
該於榆林上納違誤官吏應該問理者不仍與陝西巡撫官行文會議施行其副  
叅等官悉聽節制有臨陣違違怯者亦許不以軍法從事須撫恤士卒禁  
約管軍頭目不許分圖貨利剋害下人及侵占軍餘私營家產違者輕則重情發  
落重則奏聞區處一應軍務事情聽不從宜處置該與鎮守總兵等官會議者  
須公同計議而行近准該部議覆延鎮所屬州縣與邊堡隣界同城比鄰無治  
南陽例屬不兼轄以便拊綏惟會計錢糧仍屬陝撫不受茲重任宜殫竭心力據忠効誠  
嚴明賞罰振揚軍威遇有緊急相機行事及鄰境報有聲息徵調人馬不即會  
發應援務俾虜賊遠遁地方寧靖軍民兩利斯稱委任毋得因循怠玩及乖方僨  
事自取罪愆不其敎之慎之故諭

昌平督治侍郎劉餘祐等宴樂兵部請

初手本

九月 日到閤同蒞建總督洪承疇共一手本因手本移落有題揭

大學士薛 等謹

題先該部等查照兵部手本奏進中飭戒諭各鎮宴樂

初蒙恭呈

御覽其昌平督治侍郎部文本經開送今劉餘祐已經任事

初內理合載入謹具題

知

十月十三日上 日奉

聖旨知道了

大學士日薛 等謹

題該日等接得兵部手本為延綏巡撫劉令舉請增

勅兼轄緣繇到閤日等查始部題事理謹將該撫原

勅增入近惟該部議覆延鎮所屬州縣與邊堡隣界同城比始鄭撫治南陽例屬

小兼轄以便拊綏惟會計錢糧仍屬陝撫并軍民兩利等因奏稿奉

御覽未知有當與否伏候

聖明裁定施行謹

題

十一月十三日上

因練遼東寧遠總兵官吳三桂兵部請

初手本

十一月十四日到閣

皇帝初諭署都督同知吳三桂茲以遼左宿兵亟須因練特令小充總兵官團練遼東  
寧遠中左右併前屯中後兵馬控禦事務小駐劄寧遠於所轄五城見在軍馬  
挑選精銳中飭紀律勤行操演犀利器械嚴明偵探程課技藝信賞必罰平居  
整戎飭旅遇警厲兵拔剽務與前鋒互為犄角呼吸相通凡軍機密謀俱同心  
商確聯絡聲援相機策應臨陣鼓勇先登其西協副將與所轄各城副參遊  
都以下俱聽小節制如有剽軍擾民逗遛觀望違悞機宜者輕則徑行處治重  
則立詳總督移會巡撫參究小仍聽總督節制調度一切軍機初因問載未盡者  
不妨與督監撫鎮通酌議而行務保萬全小膺茲重任當殫精防捍共靖虜氛  
是則小庸如簡閱不精因循悞事三尺具在小其慎之慎之故諭

兩淮巡鹽御史張緒倫戶部請

勅手本二箇

十一月十八日到閣

勅監察御史張緒倫令將命爾前往兩淮專理鹽課提調運司官吏人等督工煎辦不許虧欠竈丁有缺量為食補有與販私鹽者提督所在官衙有司軍旗弓兵人等嚴行緝捕盡法懲治鹽沒入官其巡捕官旗人等敢有與通同作弊者一體治罪亦不許慘求止事將貧難小民賣鹽易食者禁行擾害運司及各場官吏人等若因循怠忽贖職廢事或貪圖賄賂虧損官課者就便等問應奏請者具奏發落其山水濟寧州直抵南京河道亦令爾兼理爾須持廉秉公正已率下勤修職業用副委任毋得因循贖廢自貽罪愆爾其欽承之故勅

初兩市巡鹽監察御史張緒倫先該科日建議直隸江北監兌省左計官以其下  
賁之兩淮巡鹽御史兼理該部議覆相應今特令亦不妨原務兼理慮屬淮揚  
四府并徐州一應徵兌漕糧事宜中間選補旗軍催辦船料追併掛欠等項  
違招議單事理著實舉行如軍衛有司官員及軍民人等有違限勒索不法  
等事應等問者徑自等問應奏請者參奏處治其前項府州并滁和二州未完  
宗庫及各項起運錢糧除恩例蠲免外有該帶徵及見年應徵起解者亦宜嚴  
督各字中管糧官查催完解已解未獲批單者嚴拘的親家屬監併批單至  
日釋放侵欺花費者將犯人財產變賣入官從重問罪勢豪恃頑不行完納及  
官吏庫解侵欺花費者參奏等問蠲例施行各該官司有怠玩不行上緊催徵以  
致拖欠不完者查算分數照依戶部題准降休降級革職等項事例分別參奏  
處治亦為寬目受茲兼任務要用心催督使姦弊盡革固用允裕斯稱任使亦其  
欽承之故勅



四川按察司僉事黃諫卿兵部請

初手本

十一月二十六日到閣

初四川按察司僉事黃諫卿今特命尔監飭松藩兵備綜理糧儲操練軍馬撫治危  
夷聽理詞訟凡城堡墩臺關口棧道器械盔甲等項俱要修理堅利一應收放糧  
斛姦弊嚴行禁革如遇危急出沒擾害地方尔即與分守將官同心協力督兵剿除  
凡軍中緩急機宜俱與計議停當而行仍聽鎮巡官節制邊方利有可興弊有可  
革者悉聽尔從宜處置事體重大者具實奏請其龍安府三家土官尔宜嚴加  
約束督令修飭武備保障地方如有抗違輕則量行懲治重則奏聞臣處再  
近日科復科議情屯田以贍軍餉一應操種事宜加意料理查期底績入據部議  
校武拔內事理遵於所屬衛所照依武生名數嚴行考試務得真正材勇毋事虛  
飾尔受茲委任尤須公廉自律咸惠並行務使番夷警服道路開通地方無虞  
軍民樂業尔或率意任情乖方誤事罪不輕貸尔其欽承之毋忽故初

四川南路遊擊羅袍兵部請

勅手本

十二月十四日到閣同奉廷霽共一手本奉廷霽係陳希辦手本在陳收

勅署指揮同知羅袍今命尔以都司僉書職銜管四川疊茂南路遊擊將軍事  
協贊副總兵叅將各統原選遊兵一千名招依分定地方往來巡視撫剿番虜  
其各堡提督守備等官俱聽調遣仍聽副總兵節制尔須盡心竭力振作威  
殄滅賊寇以靖地方不許因循畏縮縱賊長惡亦不許貪功寡謀重貽後患自  
取罪愆尔其慎之慎之故勅



安慶副總兵湯允文兵部請

勅手本

十二月十四日到閱

敕著都指揮同知仍帶降一級湯允文今命尔充副總兵前往防守安慶等處地方駐劄雷港遵炤近日該部題准事理自舊設統領水兵五百名從督所管衛所官軍外議增員在竈丁二千八百二十名分作三班輪操江上以備緩急尔須勤加訓練修理城池整備戰船鋒利器械防禦賊寇禁捕鹽徒所分信地南岸上自香口下至池口北岸上自小孤山下至六百丈二百九十里無事督率哨兵查炤限期上下會哨哨單取池口巡司印蓋尔仍用關防鈐印每月終繳報操江衙門考覈不許從容哨捕等役資閑偷安以致哨守缺人有警即率將士奮力防剿上自九江下至金陵沿江一帶守備衙門皆聽調度節制不許觀望逗遛一應兵糧俱炤先令額派聽安慶府同知支放如有詭名侵冒等項宿弊俱要悉心查革仍聽南京內外守備叅贊操江官節制及聽徽寧兵備督同備禦務使軍民安妥江洋無虞庶副委任指揮等官敢有抗違怠肆者亦聽尔懲治尔須持廉奉公嚴禁頭目人等不許生事擾人如違罪不輕貸尔其勉之慎之故勅

兵部職方清吏司爲公務事准

制勅房子本前事等因到司准此查得安慶舊營原係守備員缺嗣因流氛警  
逼遂改爲參將薛邦禎於崇禎十二年三月間該安慶巡撫史可法題改副總  
兵以邊將劉邦域補之薛邦禎改用奉有

欽依在案此職銜項名之顛末也但查副總兵係新政且邦域居官不久想當日  
勅書未經改領故

閣無存稿耳今准前因相應移覆爲此合用手本前去

制勅房煩將湯允文

勅書或項薛邦禎改給或項劉邦域給領惟聽酌定仍希將改給緣繇移司  
以憑存案備查施行須至手本者

崇禎十二年十二月十九日郎中孫嘉績

大學士臣薛 等謹

題臣等接得兵部手本爲南直隸安慶副總兵湯允文請  
勅緣繇到閣臣等查照安慶向設守備後于崇禎八年奉

旨改設叅將潘可大至十年十二月內薛邦禎項可大員缺請

勅仍係叅將今陞補湯允文改銜副總兵該臣等移文該部查其改銜緣繇據回稱云  
十一年三月間安慶巡撫史可法題改副總兵以邊將劉邦域補之未經請

勅今允文即項邦域員缺也臣等即據部文將湯允文以副總兵防守安慶等處地方

謹具辦

勅題

知

十二月二十九日上

禮部為彙敘鞏固前後戰功等事該本部題主客清吏司案呈行  
保定撫按咨領賞卹銀兩緣繇昭題本全寫等因崇禎十五年四月二十八  
本部署部事左侍郎兼翰林院侍讀學士王等具題五月初八奉  
聖旨這賞卹銀兩該撫按文無咨報是何緣故着再行咨催不必繳進  
欽此欽遵抄出到部送司案呈到部擬合就行為此合咨  
貴院煩為遵照本部題奉

明旨內事理即察前項銀兩本部文經咨會迄今杳無一文報部是何  
緣故立刻察明仍責令該營速差的當官費文赴部以憑昭給為

勿再遲施行

一咨都察院

一咨保定巡撫

崇禎十五年五月

十八

日

郎中王

行

禮部主客清吏司為關領鈔錠事案察先准禮科手本開送  
冬至為壽正旦三節左府等衙門鈔錠數目已經移文戶部廣東清  
吏司委官關領已于五月十七日領出收貯賞房訖相應移文知  
會為此合用手本前去禮科煩為察照出示給散施行

崇禎十五年五月

廿二

日

郎中王 月

為移察事據辦事官施霖領到 內府織染局發出

欽賞周王紵絲紗羅到司察得紵三足有裡絹三足羅三足有裡絹三足紗三足無裡絹共計表裡十五件原發是否此數相應移會確

察為此合用手本前去

內府織染局煩為察照未文事理希即回覆過司以便轉發差  
官領解施行

崇禎十五年六月

十二

日

郎中王



禮部主客清吏司為宴賓事准禮科手本內稱本司于五月十七日開領知會到科隨該科出示曉諭各衙門領給因參差不齊復經四次催領迄今未見投完例應奏緘萬不容緩若聽其耽延似屬不便為合用手本禮部主客清吏司煩為察照後開未領鈔錠各衙門速為分給等因到司察得前項各衙門應領鈔錠已經禮科節次行催未見閱領碍難具題相應亟催為此合用手本前去

工部營繕司 都察院經歷司 通政司經歷司 大理寺左寺

宗人府經歷司 詹事府主簿廳 翰林院典籍廳 順天府經歷司

順天府儒學煩為速具領狀赴科閱領施行

一票行宛平縣 鼓城衛 欽天監

崇禎十五年七月 日

郎中王

禮部主客清吏司為察催關領

欽賞事准戶科手本察催苗賊糾衆等事一案

欽賞錄到司案察

先准兵部咨前事各官賞賜銀兩到部送司隨錄本司呈堂移文

內府司禮監啓奏關領去後迄今

內庫尚未發出本司責令逐日赴

庫候領俟銀兩一到當即照數封送今准察催相應回覆為合

用手本前去

內府戶科煩為察照施行

崇禎十五年七月

廿二

日

郎中王

禮部為彙敘聖軍固前後戰功等事主客清吏司案呈案察先為前事該

太監胡必清奏繳何友倉等銀乙千零玖拾兩奉

聖旨這銀兩著禮部收貯俟該營援剿回日赴部領給欽此隨該太監胡必清將  
前項銀繳貯司庫業經本部因<sup>財</sup>外庫不便奏交

內庫收貯奉

聖旨這賞功銀兩該撫按父無咨報是何緣故着行移催不必繳進欽此欽遵等  
因到司隨即移文保定巡撫衙門差官赴領今准保定巡撫楊咨差孔希賢  
領解到部蒙批司察給送司奉此察得前項銀兩屢奉

明旨候取咨文給發今准該撫咨文差官赴領該本司即將前項原貯銀乙千零  
玖拾兩照同差官孔希賢當堂充給領解訖相應移文知會案呈到部擬  
合就行為此合咨

貴院煩為遵照前

旨察明真正家屬按名給散如有親支盡絕徑自具本奏繳仍將發過花名造冊  
報部以憑類奏施行

一咨經定巡撫

崇禎拾伍年拾壹月

安

日

郎中李

禮部題為遵 旨請給御寒時衣以便占候事去各清吏司案呈奉本部送

據欽天監五官靈台即李之貴等呈前事云到部蒙

批司察例送司奉此該本司察得欽天監占候官生時衣 會典二年一給先於崇

禎十二年九月內據五官靈台即徐源等請討該本部察例題覆奉

聖旨既察有例准頒給欽此隨行頒給在案今據李之貴等五名復援例以請合無照

例題給案呈到部看得時衣一節乃各官生占候禦寒之具今李之貴等援

例請討既經該司察有前例相應題請頒給緣係遵 旨請給御寒時衣以便占候

事理未敢擅便謹題請

旨

十二月

恭

日

郎中李欽

主客清吏司為 賞賜事 詔得

萬壽 正旦二節 詔各

王府併天下諸司衙門差來內外官員人等赴京進

表文禮物慶

賀例應給賞已經本部題明所有差來各人員職名事錄

貴司相應移取為此合用手本前去

保制清吏司煩為察照希即開列移送過司以便開敘施行

十二月

光

日

郎中李



禮部主客清吏司為遵 旨請給禦寒胖衣以便占候事奉本部送據欽天

監五官吳台即李之貴等呈前事內稱云到部送司察得請給胖衣固

係舊例而在臺占候官生人數多寡無憑察考事干題

請似難草率相應移察為此合用手本前去

欽天監 煩將應給胖衣官生花名條開過司并將土年分領過名數

一併移覆以憑題給施行

崇禎十六年二月

土

日

郎中李

主客清吏司為 賞賜事 焯得

萬壽 五旦二節例該諸司 進表其差來合員應賞盤纏鈔錠員役職名本司已

于客歲十二月二十八日移取去後至今未見回覆屢經

內監催取本司無憑閑領案事干題

請萬一詰責稽誤該誰相應再催為此合用手本前去

儀制清吏司煩焯來文事理責令經承書役速將 萬壽正旦并

皇太子千秋各節諸司進表應賞各員姓名希即開列過司以憑閑領案勿再延

致有推諉未便施行須至手本者

二月

六

日

郎中李



禮部主客清吏司為遵

旨奏繳事該本部題本司案呈看得賞功銀兩年遠無

人關領者交還

內庫舊例

會典事故過三年者奏繳新奉

明綸今察崇禎十年起至十一年止無人關領銀二百五十六兩一釐於正月二十四日

內庫記今崇禎十五年已終所有十二年分尚有未領賞銀壹百柒拾柒兩零

無人關領察事已過三年例應奏繳相應逐款詳開進繳等因案題外相應

進繳為此今將應繳銀兩合具印信手本齎赴

內府內水運庫照數察收施行

計開

應繳銀壹百柒拾柒兩

二月

郎中李

日

禮部主客清吏司為遵 旨請給禦寒胙衣以便占候事查本司移察前事准

欽天監回稱應領十三年分胙衣各官職名列司看符給衣禦寒此

朝廷格外之恩非如俸鈔柴薪按年按季決不可少十三年未請自屬該監前官訖  
誤目今已越三霜寒不曾過矣以御衣為本司今所行察者只須十五年以後見任

官職名據實開報以便如數

請之為發占驗者禦之用其已往不係現任者

似無容復列致滋冒濫也相應再察為此合用手本前去

欽天監預招來文事理即將現年任事各員開列過司以便代題施行

三月

日

郎中李

禮部主客清吏司為 賞賜事奉本部送禮科抄出該本部題本司案呈

昭得崇禎拾六年十月二十日正月初一日

萬壽聖節該各 王府并天下諸司衙門差來內外官員人等赴京進

表文并禮物慶賀例應給賞察得凡各 王府進

表人員每人賞盤纏鈔十錠諸司衙門差來人員每人賞盤纏鈔五錠及

王府差來進禮物人員每人賞盤纏鈔二十錠等因崇禎十五年閏十一月二十日本部具

題本月初二日奉

聖旨是欽此欽遵擬令執行為此所有各

王府并諸司衙門進

表并禮物人員該賞盤纏鈔錠合具印信手本差辦事官施霖赴

內府天財庫煩為昭教關領施行

萬壽計開

欽賞潞府等府內外司房等政仁等三十九員各賞不等共鈔四百一十錠

進禮物中書房等官于政仁李克忠趙河李進高士俊陳承恩吳良

錢懷德程朝輔李思明吳守智俞秉忠等十二員每員鈔二十錠

共鈔二百四十錠

進表文百戶等官高之仰葉聯芳楊守明戴星治趙應魁岳進郭一科

等七員每員鈔十錠共錠七十錠

進表文諸司等官雷作霖邵國珍祝長春李日晉王濟昌黃規瑞馮如京

黃國斌陳六龍李盛潘應振傅懋學張鴻英况上聞楊本誠李皋

朱國治杜永茂羅僊李潤等二十員每員鈔五錠共錠一百錠

正旦 計開

欽賞潞府等府內外司房等政仁等三十三員各賞不等共鈔三百八十五錠

進禮物內外司房等官袁始泰葉聯芳吳良吳秉忠高士俊程朝輔曹

進禮錢懷德李崇貴陳承恩李進吳守智吳永祐等十四員每員

鈔二十錠共鈔二百八十錠

進表文百戶等官俞秉忠戴星治等二員每員鈔五錠共鈔十錠

進表文諸司等官鄭前志楊立光趙健曹岐鳳時猷泰郭一綸潘應振劉  
嘉胤胡永寧楊本鉞韓文謙王選程錫周應奇張鴻英徐得第  
王顯宗等十七員每員鈔五錠共鈔八十五錠

三月

十二

日

郎中李

禮部為詣發賞功銀兩以鼓敵愾事主客清吏司案呈奉本部送准兵部咨職方清吏司案呈奉本部送兵科抄出通州督王鰲永題前事該兵部議覆看得奴自陷薊之後旋即寬犯通州治臣王鰲永獨能鼓勵將士用砲擊共斬虜級二十二顆獲馬一十五匹立報從前頗氣有功員役委宜立賞以鼓其敢戰之心每顆應給銀伍十兩共該銀一千一百兩應於禮部賞功銀內照數發領按名給散仍將賞過花名造冊咨部備案  
主於

欽頒銀幣應總督師支用如已借支給散合將前銀照數補還以便銷美  
緣奉<sup>有</sup>連與議覆之

旨并督治移咨前來相應覆  
請伏候

命下轉行遵奉施行等因奉

聖旨是着於該部賞功銀內照數發給仍造冊覈銷欽此欽遵擬合執行為



此合發燭照

明旨內事理將通治賞功銀兩照數發給施行等因到部送司案呈到部擬  
合執行為此合具印信手本差辦事官施霖齋赴  
內府司禮監欽遵閱領施行

計開

欽賞通州督治王整吳永下將士斬虜級貳拾貳顆每顆銀伍拾兩共銀壹千壹百兩

三月

九

日

郎中李

禮部題為遵

旨請給禦寒胖衣以便占候事主客清吏司案呈奉本部

送據欽天監五官靈臺即李之貴等呈前事內稱云等情到部蒙

批司察例送司奉此欽本司看得給衣禦寒乃

朝廷格外之恩非如俸鈔紫薪按年按季決不可少十三年未請自屬該前

官耽悞目今已越三霜寒不啻過矣以禦為今所請給者只須十五年以後

見任官職名據實開報以便如數請之為役占驗者禦寒之用其已往不

係現任者似無容復列致濫冒濫也已經本司駁察去後今據訪監面稱據

天文科李之貴等呈察得本科請給胖衣原遵

祖制於兩年開領一次頒給禦寒以資觀候之需所有十三年胖衣緣因掌臺徐

章二靈臺相繼物故耽延至今未領職方任科務即照例請給其開報官生

職名俱係見在供事並無冒濫糧冊可稽再照十五年以後見在供事

官改員天文生陸拾肆名內有新補天文生貳拾叁員全糧未久似難並



為請給止將見在供事官生共伍拾員名開報其貳拾叁名俟下年請給可也等情到司據此既經該監察明見在供事官生職名開報前來合無照例題給案呈到部看得官生在甚占候臍衣一項自當照例給發但十三年分未領之衣既經該監自候寒冬三場固無容再給矣今應于十三年始仍照三年之例以給禦寒既經該司案呈前來相應請為題請頒給緣係遵旨循例請給禦寒臍衣以便占候事理未敢擅便謹題請

旨

四月

廿二日

郎中李

禮部為請賞功銀兩以鼓敵愾事主客清吏司案呈奉本部送准

貴院咨即將前項賞功銀壹千壹百兩照數給發差官押解來通以便給

散有功員役幸勿遲滯施行等因到部送司速與領給送司奉此察得本

部賞功銀兩俱係閑請

內庫隨領隨發自去歲虜警以來路途梗阻外解難前雖本部屢行閑領

並無分毫給發今准督治王咨取前項銀兩除即行閑請領出給發差

官外相應咨會案呈到部擬合統行為此合咨

貴院煩照來文事理施行

一咨通州督治王

四月

日

郎中李

禮部主客清吏司為賞賜事奉本部送禮科抄出該本部題本司案呈  
得崇禎十六年二月初四日敕遇

皇太子千秋令節該各

王府并天下諸司衙門差官員人等進箋并禮物赴京慶賀例應給賞察得舊例凡各

王府進箋人員每人賞盤纏鈔十錠進禮物人員每人賞盤纏鈔二十錠諸司衙門差來人員每人賞盤纏鈔伍錠其

王府內外官員每員

內府另給綵段一表裏又於崇禎十二年正月二十六日該司禮監具奏

皇太子千秋令節禮儀內開無禮物內官每錠四錠內使每鈔二錠旗軍人等每錠

一錠業奉

御批已經知會到部送司案呈到部看得

皇太子殿下千秋令節前項到京慶

賀人員合無遵昭

通行給賞御批數同等因崇禎十六年正月十一日本部具題本月十

聖旨是欽此欽遵擬合就行為此所有各

王府并諸司衙門進

表文并禮物人員該賞盤纏鈔錠合具印信手本差辦事官施霖齋赴

內府天財庫煩為照數開領施行

計開

欽賞潞府等府千戶等官于政仁等四十員各賞不等共鈔四百錠

進禮物千戶等官于政仁高士俊陳承恩吳良李之榮吳守智錢懷德葉

聯芳白承恩石攻美薛存義王好問等十二員每員鈔二十錠共鈔二百

四十錠

進表文外典仗等官楊沐伍昂趙應恩李華等四員每員鈔十錠共鈔

四十錠

進表文諸司等官顧言曹顯澤曲星馮壽枝劉延齡劉胤昌葉應瑞王

永忠程錫張六能王國卿周應奇程宗尹王文科唐國正王冲霄保  
得第張鴻英楊威劉養性賀永高許鴻功傅九貴潘應振等二十四  
員每員鈔五錠共鈔一百二十錠

四月

辛

日

郎中李

禮部主客清吏司為宴賞事准禮科手本開稱昭得崇禎十五年  
冬至萬壽聖節并十六年正旦令節據各衙門收到脩昭文冊昭數一併開送  
為此合用手本前去禮部主客清吏司煥為察昭閱請給發等因到  
司准此相應開送為此合具印信手本差辦事官施霖齎赴  
內府天財庫昭數開領施行

計開

欽賞前府等各衙門官吏旗軍并旗手等衛園宿官軍人等共鈔壹  
拾貳萬叁千肆百肆拾肆錠三貫

四月

年

日

郎中李

禮部主客清吏司為閱領鈔錠事案察 冬至

萬壽 正旦三節宴賞鈔錠已經本部題明戶部司官閱領禮科給散欵

遵在案今准禮科手本移送 冬至

萬壽 正旦三節左府等衙門共鈔壹拾貳萬叁千肆百肆拾錠叁貫各數

目到司已經本司移文

天財庫去訖相應知會閱領為此合用手本前去

戶部廣東清吏司煩為察照舊例呈

堂劄委司官一員赴

天財庫將三節鈔錠領出交傳賞房以便知會禮科給散施行

四月

二十

日

署司事員外郎劉

門



禮部主客清吏司為察報陳汝勞并等事奉本部送准

貴部咨前事內稱胡應科立國江孫得名許奎屍骸未經尋獲贈廕豈  
容槩如應聽勇衛衙門察其真正家屬各給卹銀十二兩以示優厚可也

等因奉

聖旨王之林等六員各贈承信尉廕一子外衛小旗世襲胡應科等應卹家屬即  
着從優給賞銀三十兩不許借察稽延欽此欽遵等因到部送司察得

原疏題稱胡應科等各卹銀十二兩今奉

或係總給或係各給

旨胡應科等應卹家屬即着從優給賞銀三十兩似與疏內不佯事開錢糧  
難以草率合行移察為此合用手本前去

兵部職方清吏司希即確擬的數速開過司以便照數開請

內庫給發施行

五月

十二

日

署司事員外郎劉



禮部主客清吏司為 賞賜事奉本部送禮科抄出該本部題本司案呈

照得崇禎十六年三月二十八日敬遇

中殿千秋令節該各王府差官員人等進

箋并禮物赴京慶賀例應給賞察得舊例各王府進

箋人員每人賞盤纏鈔拾貳進禮物人員每人賞盤纏鈔拾貳其差來內外

官員每員

內府另給綵段一表裏又准司禮監六科廊移稱該本監堂具奏禮儀文書

內開無禮物內官每員肆錢內使每鈔貳錢旗軍人等每鈔壹錢業奉

御批知會到部送司案呈到部看得

中宮殿下千秋令節前項到京慶賀人員合無遵照

御批欽定數目通行給賞等因崇禎十六年三月初六日本部具題本月二十一日奉

聖旨是欽此欽遵擬合就行為所各

王府并諸司衙門進 表文并禮物人員訪賞盤纏鈔錠合具印信手本呈報事

官施霖齋赴

內府天財庫局為昭數關領施行

計開

欽賞潞府等府十戶等官于政仁等十二員各賞不等共鈔二百二十錠

進禮物十戶等官于政仁葉照芳薛存義李崇貴錢懷德白承恩吳守智吳

進朝金光祚高士俊等十員每員鈔二十錠共錠二百錠

進箋文百戶等官俞秉忠趙應魁二員每員鈔十錠共鈔二十錠

五月 廿八 日

署司事員郎劉

禮部主客清吏司收到

司禮監發出

欽賞周府副承奉曹坤銀拾伍兩紬絲壹表裏族該府差官列

日順賞前去為此合用手本回覆

司禮監湏至手本看

崇禎十五年六月

安

日

郎中王

禮部為咨會關領銀兩事主客清吏司案呈照案通州督治王 咨為請發賞  
功銀兩等事內開斬級二十二顆共該銀一千一百兩到部隨即行文

內庫關領訖今于本月十六日始得領出即傳差官王宗堯當堂秤兌明白面交付  
領訖相應咨會仍取實收繳部回照案呈到部擬合就行為此合咨  
貴院煩照來文事理希即回照以便奏銷施行

一咨通州督治王

六月

日

郎中劉

禮部主客清吏司為請領勘合事據本司辦事官施霖稟稱一應  
欽賞表裏近奉新勅旨先請然後閱領相應遵即請照移文請給為此合用奉本前去

司禮監六科廊請煩察照給發辦事官施霖以便填註閱領施行

育

廿五

日

郎中劉

禮部為請發賞功銀兩事主客清吏司案呈奉本部送准昌平督治金谷

前事內補云云到部送司案得賞功銀兩皆係兵部題明奉

旨之後移谷到部<sup>據文</sup>關請此舊例也今昌鎮雖係斬獲銀兩案未經題明據

谷難以關請內庫相應移谷知會案呈到部到部擬合就行為此合咨

貴院均為照舊題請以便關領施行

六月

廿五

日

郎中劉行

禮部為遵旨奏繳事主客清吏司案呈崇禎十六年六月十七日奉本部送禮科抄出該本部題前事內稱今崇禎十五年已終所有十二年分尚有未領當銀一百七十七兩屢各無人領領察事已過三年例應奏繳相應逐款詳開進繳等因案呈到部看得前項銀兩既經該司遵

旨察明例應奏繳等因崇禎十六年六月十七日奉

聖旨朝廷頒賞大典銀兩到部即當知會吏領這本內各員豈無曾經抵京及差役齎奏往來何云領領無人該司官明屬玩視還着再行移會詳察具奏欽此欽遵抄出到部送司察得十二年分應賞各官無人領領至十五年歲終例應奏繳今奉

明旨還着再行移會詳察具奏但時經三載各官升迁回籍丁艱事故本部無憑察考相應咨行各該撫按備察各官或在任或回籍轉行本官令其星速赴部領領如或事故即責令親屬赴領庶

皇恩不負而各官得沾雨露矣案呈到部擬合就行為此合咨

貴院煩為遵照

明旨及咨文內事理將後開應賞各官條條在任在籍及有無事故或差役齊  
奏或尚差來京務呈達領回前項賞銀仍一面咨覆本部以便具奏

六月

九

郎中劉



禮部為再報奇捷事主客清丈司案呈奉本部送准兵部咨該  
方清丈司案呈內開准保定總督呂洛前事等因到部送司察  
得保督冊開各鎮官兵斬獲首級應賞者共計首級壹百九  
十二顆活夷一名每顆連活夷俱以伍拾兩等共該賞銀九千  
六百五十兩察係萬兩以下例應禮部給發案呈到部咨煩將  
前項賞功銀兩照例給發等因到部蒙批賞功銀兩來見奉  
旨似應行兵部察明酌之速之送司奉此察得賞功銀兩俱係題

明奉

旨移會本部始行內庫關領此從來舊例今兵部止據總督呂  
洛移會本部給發未奉

明旨碍難閱請相應仍咨兵部具題案呈到部擬合就行照例合

咨 貴部煩為察照來文事理即將前項銀兩具題咨會

過部以便關領施行

一咨兵部

崇禎十六年七月

馬日

郎中劉

禮部為 賞賜事主客清吏司案呈本月二十一日

內府司禮監傳捧到

欽賞周府副承奉曹坤紆絲一表裏羅一表裏俟該府差官到日  
順賞前去外相應回覆案呈到部擬合就行為此令具手本  
赴

內府司禮監煩請察照施行

崇禎拾伍年柒月

廿二

日

郎中

門

主客清吏司為四十四報等事奉本部送准兵部咨職方清吏司累呈奉本  
部送兵科抄出陝西巡按金鉅峒奏前事該兵部議覆云等因奉  
聖旨云欽此欽遵咨部送司察得各官銀兩本司閱

請給發外但 韓王等請

勅獎勵事錄

貴司具覆相應移會為此合用手本前去

儀制清吏司煩為察照施行

七月

日

郎中劉

主客清吏司為玉泉戰役等事奉本部送准昌平督治金谷前事奉  
聖旨云到部送司看得賞功優卹銀兩本部正據部咨方行開領

內庫今雖經貴部題覆移未移咨未便開

請相應移會為此合用手本前去

今該府差官日每值取

兵部職方清吏司煩照舊例速為移咨過部以便開領給發施行

八月廿五日

郎中劉

禮部主客清吏司為知會 欽當奉<sup>銀</sup>照得郊祀叙勞一案內有

貴衛官黃培等二十八員共該賞銀三百一十一兩准 貴司印信領狀于本月十

二日隨據戶房書辦錢兆安持帖稟計即當堂秤兌明白給發本役訖取有領  
狀在案相應知會為此合用手本前去

錦衣衛經歷司灼為察照

呈堂責令經承分頭覈送仍希回照以憑存察施行

九月

日

郎中劉

禮部主客清吏司為再催谷文事昭得玉泉牛蹄二處陣歿官丁優卹銀  
兩雖經兵部題覆奉有着禮部昭數給發之

旨然本部出給

內府關領往例必以部咨為據已經移催去後迄今未准咨送

前碑難請給相應再催為此合用手本前去

兵部職方清吏司煩為察照先令事理即將前項優卹銀兩速咨過部以便  
關領希勿再遲以致各家屬曉曉告討未便施行

九月

日

郎中劉

禮部為玉泉戰校等事主客清吏司案呈奉本部送准昌平督治金  
前事內稱云云到部送司察得凡係賞功優卹銀兩俱開領

內庫給發本部並無別項存貯茲玉泉陣役官丁應卹銀兩除本部行文

內庫開請外值差辦事官施霖見在守候開領俟領出即時給發該鎮差

官解賣今准前因合先移咨知會案呈到部擬合就行為此合咨

貴院煩照來文內事察照施行

一咨  
昌平督治金  
昌開太監中

十月

為

日

郎中劉



禮部主客清吏司為宴賞事照得冬至

萬壽元旦三節各衙門應領鈔錠共十二萬三千四百四十五錠三貫已經

科部催領不啻額完而各衙門承領人役玩愒不遵事關奏

繳難以久稽除一面行文再行守催赴領外相應知會為此合用子本前去

禮科察照或一面催領一面奏銷請煩裁酌施行

十月

十二

日

郎中劉

禮部為王泉戰歿首奉優卹等事主客清吏司案呈奉本部送禮科抄出  
該兵部題覆前事奉

聖旨奏內應補給銀兩着禮部照數給發餘依議欽此欽遵抄出到部送司隨行  
內庫開給今奉本月十一日本司辦事官施霖眼同該鎮差官領出前項優  
卹銀五千三百三十三兩即當堂給發二鎮差官領解記相應移咨知會  
呈到部擬合就行為此合咨

貴院煩照咨文事理即將發去銀兩轉行各該鎮將察係真正家屬  
名給散如有親枝盡絕閑領無人者即扣存還庫仍將發過花名數目一併  
造冊送部以憑奏銷施行 一咨昌平

十月

十二

日

郎中劉

禮部主客清吏司為賞賜事奉本部送禮科抄出本司案呈照得崇禎十六年

十月初六日恭遇

懿安皇后陛下聖旦該各王府差官員人等進

表文并禮物赴京慶賀例應給賞察得舊例凡各

王府進表文人員每人賞盤纏鈔十錠進禮物人員每人賞盤纏鈔二十錠其差

來內外官員每員

內府另給緣段壹束束相應照例題請呈呈到部看得今次

懿安皇后陛下聖旦前項到京慶賀人員遵照節年舊例相應題

請恭候命下臣部遵奉施行緣係賞賜事理未敢擅便等因

舊志故里在  
山題伍子胥  
廟詩和仙舉  
舊址

閣去煩燠客心遂安舒清流中浴鳥白石下  
游魚秋樹色凋翠八八聲搗虛南軒更何待坐  
見玉蟾蜍

過臨淮故里

七言律

庚陸龜蒙

交游昔歲已凋零第宅今來亦變更舊廟荒涼  
時享絕諸侯儼一官成五湖竟負他年志百  
戰空垂累竹今榮盛幾何流落久達人懷抱薄  
浮生

宋詩十篇

淮上遇風

五言絕

范仲淹

一棹危於葉傍觀欲損神他年在平地毋忽險

中人

渡淮

五言律

唐子方

聖宋非狂楚清淮異汨羅平生仗忠信今日任  
風波舟楫顛危甚魚龍山沒多夕陽幸無事漉  
酒聽漁歌

長淮晚眺

七言律

王清敏

目斷長淮渺莽中孤城突兀倚層空寒砧幾  
秋信漁笛一聲晚風龍吐晴雲嵐氣白

翻落日水天紅扁舟今夜宿何處赤壁斷磯

葦叢

過淮 五言律

蘇軾

好在長淮水十年三往來功名真已矣歸計亦  
悠哉今日風憐客平時浪作堆晚來洪澤口捍  
索響如雷

觀魚臺

七言絕

宋蘇軾

欲將同異較鎔銖肝膽猶能楚越如若信萬殊  
歸一理子今知我我知魚

逍遙臺

七言絕

蘇軾

常怪劉伶死便埋豈伊忘死未忘骸烏鳶奪得  
與螻蟻誰信先生無此懷

宋蘇軾

跨夏商周看盛衰欲將齒髮鬬蛇龜空食雲母  
連山盡不見蟠桃着子時

劉季孫

天子昔封禪  
吾屬從金輿  
回首太山下  
出建

照里石印

宋趙升

朝離石澗寺暮泊香山夾揚帆復順流快若兩翼插濠州舊風物余昔此承乏重上莊生臺如夢覺一霎



元詩一首

濠州觀荷

五言古

元薛元卿

行行濠池上，亭亭見長荷。  
瓊葩艷初日，碧莖捲輕波。  
深浦曉色亂，微雨晚香多。  
方舟時自移，高軒或來過。  
豈無河朔飲，聊復發商歌。  
商歌一慷慨，此物柰君何。

國朝詩

濠梁卽事

七言律

周獻玉

淮南淮北雨初晴，幾處青山似洛城。  
對酒已拚今日醉，看花不作少年情。  
水衝玉峽奔流急，霞映金沙夾岸明。  
閑倚驛樓清眺處，鬱蔥佳氣是



神

濠梁行

東郡蘇祐

六十九

無由都賦我  
天文字也試  
共三都兩京

山川萬古開淮甸勝蹟靈踪今始見遺宮  
峙嵯峨佳氣五雲鬱葱蒨岐鎬舊邦肇有  
豐故里興炎漢禹跡茫茫分九州雍徐兗  
王侯風環氣結有運會開基垂統獨殷周  
秉鉞真龍出義殺仁生刑政一始信神靈  
生萬國仰之皎如土壤中原幾千載九曲  
代遷改黃河噴浪下金天長江迸勢歸滄  
海人失御奔其鹿我皇陟降河之曲英雄  
齊奮揚熊羆萬旅隨馳逐沛上蕭曹卽股肱

陽耿鄧同心腹二十八宿咸麗天三十六龜  
一轂叱咤風雲紫極高汎除宇宙皇風穆文  
武烈紀旂常貢琛獻幣開明堂山川  
土富貴非徒歸故鄉堯階三尺示樸素禹王  
國來趨踰此土遂爲湯沐邑追王比隆周季  
馳道旌旗日月分玄宮屋宇端龍立王侯將  
拜封多殷夏黃虞不啻過湛常賡周雅什  
風不唱漢臺歌王公設險守其國大江天  
南北舊京百二玉關東昌期立百金陵側鍾  
石城遶大江奉春脫輅說君工埋金鑿咲秦  
陋定鼎卜從郊鄠長鼎成龍土公經幾禩依山

有龍興寺疎檜常環古佛龕老僧頗悉當年事  
 高亭拜覽 御書碑寶函載親開山記寺外  
 山儼對荆城邊渦水遙通泗十王四妃可長冬  
 諸侯列將空相憶八衛仍屯紫禁城千官合  
 玉霄京詞人擬撰三都賦甲士常團十二營  
 覆寢宮當晝闕草侵輦路入春生風雲尚接  
 壇色鼓角猶傳象魏聲赤縣神州更創建虞  
 龍盤舊稱羨聖神四海本爲家華夷萬里皆  
 面黃金倚斗貯高臺青玉當天陳寶案北極  
 開日月圖南京深鎖雲霄殿

舊志不錄補以  
爲實故也傷

時之亂作此詩

一篇離騷

# 黃河謠

陳孚

禮部中

長淮綠如苔飛下桐栢山黃河忽西來亂  
淮間馮夷鼓狂浪崢嶸巍崖墮驚起無支  
涎沃鐵鎖兩雄鬪不死大聲吼乾坤震撼  
骨磨蕩日月魂黃河無停時淮流亦不息  
以流波萬里湧秋色秋色不可掃青煙曉  
白鳥亦四五長鳴下汀沙黃靈奠四瀆各  
古隨千載今合流神理故乃爾漁翁一鬢  
舟依古樹隔浦欲叩之翩然凌波去

渡淮 六言

黃淮

少保

客裏情懷易感余一中况味偏諳纔過淮流數里

人家漸似江南

碁盤石

七言律一首

上蔡張惟恕

巡按

碁盤石在城東  
後漢風子更勝

東風三月淮鄉狂同來石上傾仙觴歌聲藉

鳥聲轉來花晴共樾花香芥柯已爛雲霞在

跡空留歲月長一着輸贏誰識破古今塵土

奔忙

碁盤石

七言律一首

劉

誠縣臺

曉行山霧濕雕鞍洞口雲深樹色寒冉冉

籠寶殿融融斜日照花欄碁枰石上千年在

斧河邊萬古看為喜清和同勝覽酒餘詩思

漫漫

白石山

言集

郡人顧伯謙

題

西舊說棲岩寺孤塔亭亭背小丘  
經日住從來此處幾人遊石間滴瀝泉聲  
際微茫樹色浮  
邸倚禪關更舒望暮雲樓閣  
宮秋

中都譙樓

周金

帝里危樓危且雄遠涵滄海障晴空  
雲光接山嶽盤迴四望通節鉞東西開  
冠南北起高風明時氣槩增形勝俯仰乾坤  
古同



登譙樓 七言律一首 王守仁

千尺層欄倚碧空  
下臨谿谷散鴻濛  
祖

氣蟠龍虎 帝闕重城鎖  
蛟螭客思江南惟

國鴈飛天北 礙長風沛歌却憶田 鑿日白

旌旗渡海東

御書亭

撫州吳伯宗

九重宸翰麗天文  
三字穹碑壓厚坤  
山色不

今古異地靈惟戴帝王尊  
蛟龍絕巘盤亭

象諸天拱寺門千載鍾王跨健筆敢同

特論

海亭志有  
譙樓手

古詩  
御書

御書

龍興寺謾興

五言律一首

廬山僧

半畝山前屋千株亭外松雲深尋曲徑風細聽  
疎鐘境寂真醫俗神清足破慵應知林壑裡白  
古人龍

龍興寺

七言律一首

天長戴

纓孝廉

蓮暉重重護佛廬從來形勝帝家居龍飛百二  
山河壯象教三千法界虛地結雲霞開別構天  
垂星漢出遺書須知今日稱豐鎬此是當年授  
簡初

龍興寺

五言古一首

關中馬

楷

寶地平明入蒼蔥望轉遙洪鍾迎曉日紺殿出



重霄空翠當簷落羣峯向閣朝  
龍文連紫氣鸞嶺動颼颼  
曲徑盤方石層臺插斗杓  
蒲團方丈靜金鐸梵音飄  
客到忘生滅僧迎話寂寥  
傳杯逢盛友高論破喧囂  
香煖茶烟合霜清栢子凋  
法雲看頃刻坐遣毒龍消

重修龍興寺

七言律

白下朱之蕃

禮部

二陵山勢鬱嵒峩第一璇題耿不磨  
當日依法海千秋瑞相湧恩波慈雲靉  
黠縈鑪篆花雨繽紛散栢栢豐鎬  
居然連鷺嶺依微鐘磬出烟蘿

大龍興寺留題

律十一首

楊彥華

五色毫端第一峰聞知此地見潛龍心胸蔭物  
千間厦頭角磨雲萬箇松百世風雲呵寶墨六  
時鍾鼓禮金容禪林玉印中都眼天下名山仰  
太宗

登城東樓

律一首

楊彥華

鳳池東畔古臨濠兩度憑陵氣愈豪渦水暗連  
淮水闊塗山遙並獨山高萬家華屋瞻空塔幾  
葉飛帆蕩雪濤日下女墻漁唱起涼風毛髮正  
蕭騷

登城南樓

律一首

楊彥華

欲憑高遠豁心埃揮汗亦登城上臺魏闕雲龍  
今戚里水濂松鶴向蓬萊無私白日海邊墮何  
限好風天際來淮水拍空山滿眼百年胸次一

時開

偃柏行

有序

劉

昂

邑人  
金事

偃柏者縣庭陞前柏也柏有二東西  
相時莫究始植歲月侵尋東者遂偃  
根株半蝕枝葉黝然無恙令君愛其  
偃蹇脫羣有烈士鎮靜之風且防危  
不變凜然殊節也命余文以巨柵疊

以文石不矯摧撼遂厥生理作偃柏  
行寵之

縣庭何年種古柏鐵屋槎枒根半嚙青天碧海  
蛟龍卧白晝黃塵厓壑裂霜皮剥落骨骼全時  
枝夭矯回鮮妍良材合與造化惜神物豈爲風  
雷顛憶昔深山移植此頓辭空谷臨華宇霑  
時蒙雨露偏躋攀幸免猿穴侶百年調護始  
器干雲蔽日非容易已見清陰被四方還看  
質凌千歲主人恩重日月移苦心溜油叢  
奴臺繫馬里胥撼醉吏嘯倚紛離披嗚呼  
真奇絕偃蹇中庭半

色猶能傲霜雪高質美材亦何限熊號虎  
 曾見魑魅潛窟窟原燒空柏也雖歌誰堪歎我  
 斬汝充棟梁獻之天子登明堂北陟淮濟南  
 大江恐汝變化翻騰讓巨楹長柯駕蒼碧錯  
 盤根磊雲石豈無桃李滿門庭留與凡材作  
 格君不見長孺翁當年卧治淮之東孔明未  
 將卧龍淮南張謀帝業振千秋豪傑思雄風  
 今柏兮爾與同

過中京書事

許中麗

鳳凰城闕紫霄間曆數靈承王氣還舊說圖書  
 符洛邑載瞻玉帛會奎山太平有象農桑茂邊

奏無聲甲冑閒自古賢才濟盛美願歌天保  
龍顏

鳳陽道中

星渚但調元

孝廉

成紀羲皇里春陵漢帝鄉真人開勝邑千載護  
金湯水溯淮淝合山聯潁亳長微臣遵此道類  
得睇輝光

焦山弔古

邑人盛世鳴

文士

焦山名隱處壑壑有餘姿獨往能無志終  
易期黃金多不就白石豈堪炊地下仙人骨  
杯空爾爲



登觀星臺春望

五言律

黎

擴

臨川

鳳皇應運出復來  
歲鍾離有開兆  
必先得名  
在茲長淮當百二  
奠此盤石基  
輿圖天蕩蕩  
民物春熙熙  
安得謝泉石  
遷喬止邦畿

詠懷

詠懷可以廣雅

國朝詩十一篇

太祖高皇帝思親歌

七言律二首

苑中高樹枝葉雲  
上有慈烏乳雛勤  
雛翎少乾呼教飛  
騰翔啞啞朝與昏  
有時力及隨飛去  
有時不及枝内存  
呼來呼去羽翔硬  
萬里長風兩翼振  
父母雙飛紫相隨  
雛知返哺天性真  
獻終

慈烏慟惻仁人而不如鳥乎將何伸將何伸吾  
思昔日微庶民苦哉惟悴堂上親有似不如鳥  
之至孝情歔歔歔歔夢寐心不泯

更有七言律二首  
御製文集不載但見李一吟和韻

和 御製思親韻 仁孝齋

玄堂人日尚玄衣獨有思親外萬幾虞帝遠  
當雪鬢漢皇歸沛度河磯中都勝地陳逆幸方  
孝終身靡間違天下蒼生欽 聖化老臣寧不  
念庭闈

海內承平育底愁 皇陵松柏老園丘滁山所  
去關門壯淮水西來郭外流轉眼光陰三十載



興王事業百千秋中都父老頭如雪長望  
興此地遊

撫臨

李蕙都無典

謬奉綸音撫兩淮雙旌到處雨光來蒼生休  
擬爲霖望此老元非濟世才浣濯寸天應自  
縱操三尺豈容猜此中空洞無餘物一點傾  
老未灰

次韻

王瓊侍

金門詔遣下江淮十七年間四度來治水救荒  
當急務推塩漕粟愧非才炎暄天氣難過夏潮  
翼人情浪費猜不覺二毛生鏡裏寸心耿耿

北灰

入中都赴任

五言

曹 恕

太守

一入中都路山明水亦清  
城墻茅屋起隔岸野

舟橫秋色紅搖樹霜華白  
吹城催科兼水旱誰

復念蒼生

清明

唐 肅

謫佃

年年寒食最愁人只見  
松楸不見親誰料今年

愁更切松楸猶隔萬山春

題藍采和

楊 基

山西按察使

石崇步障四十里倚日珊瑚八百株  
寧可黃金

錘下死街頭不散一車灰

感事一首 七言律

劉昂

十王墳近古淮濱聞說  
先皇鑿石鱗一自風  
雲騰瀚海至今波浪湧  
迷津得時河伯休憑怒  
失路魚龍故迫人  
稽喜濁渦猶止徙  
誅茅今起  
幾家新

禁皇歌 二言一章六句

劉昂

昊天明明衆星列  
一華出西方光耀燁  
今永  
即視憂忡愷兮  
皇帝萬壽懋弘烈兮  
彼  
祥兆何孽兮  
揭兮發兮  
嗚呼安得彼脩楷射  
滅兮

有聲有聞

聞寇入榆林有警

劉昂

聞道匈奴入賀蘭榆林那使犬羊蟠黃河天塹  
由來險青海雕弓久不彎給餉幾年虛轉濟運  
籌誰許獨登壇龍翔鳳蔚千年地只仗天威  
不可干

下車有感

潯陽萬嗣達縣令

之有嗚呼安得  
勿顧殺戮此  
其有羞難  
乎

聞說鍾離景物殊如何南畝盡荒蕪室廬幾  
見逝亡去膏血都從顧後枯碩鼠正驕原上  
食哀鴻誰令澤中呼尫羸父老勞相慰未許  
年來祔有無

予勸耕父老翕然應從喜而續歌

買犢南陽事豈殊一言早已聞秦蕪勞來頓  
覺權相許湯沐應知澤不枯綠野自今歌  
作息青村誰此急追呼徧予撫字慚非術敢  
問田功計有無

壬子至日陪祀

皇陵

瞻仰龍山

帝脉長

聖明湯沐

無疆天開屏障依神路地擁星辰護

上皇

漢代諸陵豐禮數周禋大饗肅冠裳小臣祇

愧文園今獻壽初陪萬歲觴

夜發泗州得武陵楊侍御書有感署

官事次俞水部韻

時八月十三日

秋思時驚白苧單星輶况復夜將闌寥空碧  
沁銀河水孤月新添玉霜寒穴地腥狐形已  
遁浮湘雙鯉淚猶彈流移滿眼慚升斗誰叫  
天闔乞治安

直指肅寧王公西巡較士濫竽監試  
漫賦呈稿

豸史巡方攬國風兩淮聲教故稱雄作人未  
減岐豐舊較執非綠葉刊工海內宗盟應有  
主斗南氣色欲凌空懸知世運綿綿合還與



斯文脉脉通

甲寅秋大水登塗山有感

絕頂有禹廟  
六口大

萬壑役使多幽玄禪心若欲與對越切莫

心戀丹闕野人本與紅塵隔且去溪邊弄明月

幽人日月誦楞伽道備玄關乘鹿車苦厄既超

人世外會他諸佛似河沙雞鳴震旦同乾竺

本由來五天國戒如秋月定如山何問音聲與

顏色禪寂寂機稜稜何曾減何曾增淨瓶楊柳

爲誰益常持七尺故孫藤洛魄年年云客久胸

中萬事何曾有有人印爾問玄微一語爲龜鑒

塵垢

大鐘頌

宋 濂學士

皇帝既正大統建都江表德綬威靈萬邦咸臣  
用羣臣奏龜書爲鳳鳴之應賜名曰  
鳳陽南北民人相會百族錯居動十  
萬數然而物土八而盛不假器以濟二  
之無以嚴昏旦之禁乃詔江陰侯吳  
良監鑄大鐘以定衆志以裨治化  
之受詔遣使赴自至富春山中徵金  
何成論以

天子明命即日率其屬十六人以從相埴鳳陽  
城東三里埴泥成範盡其銳角衡之



度侈弁爲良豪帶以方候其燥剛始

穿一十又三鍊青赤銅六萬五千斤

筮以洪武乙卯冬十一月己巳

厥明侯具注服以牛一羊一豕一祝

告先治之神禮旣成橐籥咸興鼓動

風氣炎光赫曦上貫霄漢絳液旣澄

氣憤雲洩循竇而入蕭蕭有聲揚施

陰凝勁質斯且越二日辛未乃發復

取牲血塗其疊隙以厭除不祥鍾音

十六尺有五十厚六寸徑十八有五

寸圓三十四尺有奇沉融其輪圓肆

燁其容輝信持以殫於人巧妙奪於神  
功者也於是懸戶樓層臺副以篋篋系  
千夫之力鉅細二而空之一杵之撞  
隱聞闐雷旋車奔震撼大虛返通  
者靡不聳愕

親觀盛美儀遂請濂爲之頌濂

王之世金部有七黃鐘乃樂之所自  
出而景鐘又爲黃鐘之本所謂景鐘  
大鐘也其受主於九斛而止律呂  
是而應陰陽田是而均夫豈細故也  
哉秦漢以來浸失故法小鐘或數

儀衛而  
變指事  
於於諸  
殿不  
天法

大鐘或容千石昔不本於律度今我  
熙朝稽古右文定於中制宜導天  
孚洽神人中和所致嘉瑞必協增拓  
化原亦於是而有賴非特嚴昏旦之  
禁而已濂待以國史以文辭為職業  
義當發揚蹈以鳴國家之盛侯之  
有請不敢固執

維天穆清鼓以雷霆式天聲百物以生維  
帝濬哲法天之烈大鐘振揭元氣噴泄聽於濠  
梁噦鳳飛翔乘陰御陽流濯八荒神物攸起是  
為一帝星從者如雨於三萃止物大而豐往來

謹謹節之以歸而致事於乃飭是氏乃具饗  
如烹飪饗化金爲水赤氣夜明如日之昇流  
而潏入甕有聲彬彬斐斐功同神鬼不鉏不鋸  
圓輪順軌旣啓其型敢蒙斯牲塗畫嘉禮成煥光  
如星千夫齊力臺榭懸植父扛孔奭載考載擊  
宅兮困困觸兮賁賁摩乾盪坤以警昕昏發振  
靈氣昭融品彙物無疵癘年穀攸遂博碩而龐  
聲與政通拓美集祥惠於家邦惟 皇建極福  
之敷錫制器有赫式和民則和樂之原鐘寶爲  
先律呂以宣功垂不刊小臣作頌有美無訕爰  
咨於衆是誦

扈從渡淮

七言律

王

英

禮部尚書

喜遇宸遊出九重  
江淮汎水亦朝宗  
鸞旂遙逐天風度  
岸柳微含曉露濃  
簫鼓聲中飛綵鷁  
波濤影裡見黃龍  
何須再續橫汾曲  
遙聽歡吹祝華封

扈從至中都

長

歌二首

王

英

元政失其綱  
彞風日熾

羣雄尚虎鬪  
海內亦

翼聯明我

三

卷

配

孤耀開草昧  
提劍度長江  
英賢若雲會  
南收

與吳北取齊  
魯代鯨鯢就  
誅剪羶穢悉  
蕩洒

戎塗炭民恩  
若時雨霈大  
勲斯有成八  
表視無

外煌煌帝王業樹德豈在大殷湯始自亳漢高  
起豐沛肅穆瞻此都神靈赫然在

其二

長淮日東馳衆山驚西北重城壯且麗飛觀高  
白尺聖祖昔臨幸玉帛朝萬國酒酣歌大風  
大威何赫赫今我神武君昭哉嗣宸極鑒興  
矧蒞止祗苦森衛翊匪從事逸豫弘此大萃德  
龍禮加毫倪溥及動與息重光益宣朗繼美諒  
無斁所慚載屬車深抱素食責興言頌王游賡  
歌思戒敕



前題

胡廣 大學士

尚皇發跡自濠梁萬古中都建鳳陽山勢西來  
臨海盡河流東合接天長九霄日月旋丹殿玉  
巴雲霞衛帝鄉聖主北巡因駐驂寧泉石室  
里輝光

陪駕祀皇陵

明王英

肅肅企靈宮冥冥望神御陰飈颯然來冷冷  
朱戶祠官嚴設奉宗伯翼禮度嘉此殷薦誠重  
惻皇心嘉運登既以時登歌聞鐘鼓紛敷祥  
煙繞恍忽百靈助惕然俯仰間宛若羹牆覩月  
室崇三后陟配于帝所維孝斯來享烝哉我

皇祖

前題

胡廣

聖主春巡日  
皇陵曉祀時  
千官陪王輦  
萬騎擁龍旗  
精潔陳明薦  
君蒿重孝思  
成周深德澤  
瓜瓞此攸基

前題

邵

寶

都御史

鬱葱王氣接丘壇  
雲向乾坤得大觀  
歲舉留都周冊祝  
月遊原廟漢衣冠  
九重陟降天庭近  
萬葉栽培地本寬  
瞻仰不勝心頌在  
無疆休與泰山安



次韻

王

瓊

郎工部侍郎

鄂祖

中都舊有壇萬年根本四方觀

縣初旋旆祇謁

園陵自正冠雨露滋培松

茂兵氓散處市城寬故人契濶終宵話相對空  
空一榻安

陪從蜀王祀皇陵

二首

周

啓

未從西蜀按封疆先謁中都祀

太皇龍虎風

雲藏陣畧鳳凰星日著文章萬年淮土

園陵

重千里岷山道路長恩寵自天隨福履早開憑

軾咏濠梁

其二

親王代祀撫松楸玉座金門敞素秋日月麗天  
深睿想風雲齊仗儼神遊鍾離樹老幽宮壯芒  
碭山高王氣浮此日彤庭瞻勝地祠光應徹五  
城樓

謁

皇陵致頌

二十韻

周

盤

御史

淮甸龍飛日巍然英帝鄉河清應誕聖草昧必  
興王天啓皇圖盛人欣泰道昌胡元洞區夏真  
主起濠梁廟奠驅羣策神威震八荒謀臣皆  
具壯士欲騰驤牧野爭迎武鳴條亦望湯  
仗仁義百戰定勛勳傳儼幽燕下修文反側  
乾坤疑再造日月重光建業先基命中都始

發祥陵園鍾瑞靄組豆薦馨香舊苑宜麟卧高  
丘有鳳翔千靈扶帝祚一脈引天潢締造光豐  
錫規模陋漢唐五軍環羽衛多士味思皇表裏  
山河壯瓏璽草木芳堯民方擊壤聖主正垂裳  
祇謁瞻清廟觀風入舊邦時平將獻頌休運萬  
年長

入中都試士道洪廟謁

聖祖孕生處

提學御史柯

挺

漳州

星輶跋涉孕龍鄉聞道卿雲靄異香光燭上台  
連水碧瑞呈六合與天長由來赤電常符

聖此日紅羅亦肇祥一統河山開草昧千秋玉

牒運初昌

謁

祖陵

泗州城北水潺潺塔影浮光秀氣環朝擁千峰  
來馬廓闌闌萬壑只龜山寶城鬱鬱天河

相森森雲水間可是一壑開宇宙徘徊石碣

思艱

此是先師諱  
陵後作有刻石在察院更有皇陵頌今迄

田家謠贈仲太守

高宗大

御史

東村布穀啼晚晴西村宛轉鷓鴣鳴一年耕種  
苦筋力嘉穀喜見秋田成槌牛擊鼓賽百神大

四  
言  
便  
見  
神  
明

家小家懽相迎父老醉相語多言使君清使君  
五馬來瑤京政教翕爾稱神明一從使君至縣  
吏不敲門雞犬不夜驚奸頑向化疲癯寧家家  
足食倉箱盈使君之德可仰不可名九重  
聖人在寶位恢弘治道資羣英使君之德有如此  
將調元化躋公卿

送劉令公回任

臨江張

固

三年作縣滯淮西考最銓曹得品題月下飛  
霄漢近雨中去鷹海天低人耕綠野無蝗入  
散公庭但鳥啼鸞鳳暫時依枳棘上林須借一  
枝棲

贈潘孝婦高氏

臨海錢

標

吾憐高氏女人合識天倫姑病醫無藥愁深  
及身金刀堪返日血肉可通神却歎西京俗相  
稽何反唇

題潘孝婦

劉 昂

宛宛蘭玉姿瑩瑩冰雪膚煌煌篋中刀孱孱堂  
中姑割膚療姑病豈不痛衷腸所願起沉疴  
軀何足償

讀高孝婦傳

張翼翔

給事中

偏俗重生男不識女亦貴匪貽父母憂轉成  
母慰異本茁靈芝蕪穢悲凡卉論者求中行何



如盡聳臚

贈錢節婦李氏

周

玉

知縣

半生殘夜青梭織一片貞心白首歸淚洒孤  
濕襁褓而今博得舞班衣

喜雪上曹太守

高

越

御史

邦君政績素嚴明又見謳歌滿鳳城瑞雪應  
當歲首皇天還慰在民情笑將隴麥三秋  
吟倚江梅一味清老我歸農逢盛事片言何  
報昇平

送萬令之鳳陽

二首

楊

鶴

御史

鍾離湯沐邑仕者說窮途中澤哀鴻斗空倉野

雀呼如君真任達故態自在奴莫問風流事萊  
無饒有無

令是河陽韻心如彭澤閑如何偏傲吏不放水  
雲間剗肉租庸苦烹鮮撫字艱獨餘吟眺處來  
徃八公山

喜袁又日開墾詩

四首

魏士清

豫章

焦山依 帝里一望富斜陽沃壤迷膏液平蕪  
失稻梁拮据煩冠馭區別試周章蒹葭草種黃葵  
春臺起道傍

中都饒美利闢地近荒岑膏脈隨車動泉流  
插深倉箱農夫慶金庾烈士心挂石宜棠舍于



年藹綠陰

二首咏西郊在塗山門外

上國開疆遠當年幾建侯  
俄成周井里編頌郡  
田疇不復嗟來暮  
惟知幸有秋栽花紅滿縣  
德孰爲儔

秋鳥欣來止北郊  
慈復雙隴和風且暢池

月圓浴鵝迎鳬起翔鸞伴  
神君碑載道

口更喧闐

二首咏北郊在王

賦第二

漢賦一篇

浮淮賦

王案

從王師以南征今浮淮水而遐逝背渦浦之

流兮望馬丘之高瀝泛洪槽於中潮兮飛輕  
乎濱濟建衆櫓以成林兮譬無山之樹並於  
迅風興濤鉦鼓若雷旌旄翳日飛雲天迴  
飄逸迤邐就秋凌驚波以高驚馳駭浪而  
如舟徒之巧極美榜人之閑疾白日未移  
已屆羣師按部左右就隊舳艫千里名卒  
遲茲威以赫怒清海隅之芥蒂濟元勲於  
垂休績於來裔

漢書當塗有馬丘古當塗鳳陽皆其西境  
賦背渦浦之曲流兮望馬丘之高旌考今  
淮諸山惟 皇城西有馬鞍山最高凡浮

可望渦在懷遠正背淮河祭之詠蓋至此

明賦三篇

縣樓賦

惟皇上之御極兮罄海濱之無外仰中  
鳳陽兮實龍飛之所在接秦楚以通京兮  
邑之百倍天子眷此帝鄉遂循良而作  
簡文江之劉侯兼儒吏以文采瞻茲邑之  
謂劉侯其可待慨譙樓之未立匪風水之  
不新鼎盛之氣象曷聳千里之規模繫定  
方中兮正農事之稱疎允衆議之僉同兮  
習其吉時相陰陽之得正兮位南面而

斯民之經始兮懼浩繁以弗勝羗百堵之結集  
今乃不日而告成上逼星辰之森羅兮下  
象之縱橫吏民聽覩之有在今紛鎖鑰之  
時伍鄉之奠枕兮聽更鼓之分明彌水火與  
賊兮農工商賈之相寧致公輔之贊美兮  
里之歡聲續前修之不緒兮肇一代之  
劉侯德政之所及兮抑孰能扶顛本於已傾  
劉侯之始任兮琴堂爲之荆棘也塞兩廊之  
塌兮六曹恒爲空隙也思後庭之木植兮退  
之無所適也更樓之未建兮夫惟真寘其  
也迄今百廢具舉兮瞻琴堂之巍峩樓臺廊廡

落成兮壯帝鄉之山河守禮以治民兮蹈前  
烈而不惡用貞珉而書最兮必顯揚而不磨愧  
末學以同官兮沾遺澤之孔多

東湖賦

劉 曷

敘曰昔我太祖之城中都也蓋寔穿東湖焉  
汪濊澄渟灊然巨浸也張子臨之遂管別業取  
以自命樂主之也南歸自京命予爲賦予惟辭  
之不修不閑於博雅之學然湖則予髫鬣游地  
也於是列其規度比之音律并敘出處之略歸  
之東湖云爾帝高皇之闢運兮肇四海以爲  
家分北斗之隆墟兮樹崇墉於上都浚城隍之

澹深兮縣萬禩而立模仁震位之巨浸兮帝錫  
名曰東湖爾其南廻鳳阜北引渦曲外奠蒼龍  
中盤紫極形勝出於天造經營藉乎人力澶漫  
炭漈溯洶瀟灤鼓洪濤而撼山沸驚飈而激石  
涵象緯于曠宇蓋不特暎飛霞而浴朝日也於  
是緣以松楸間以枌榆翠竹苞徑綠楊被隄長  
淮之流湧其西渾天之儀表六隈園陵相望燁  
燁猗猗若乃金湯之勢益險千仞滌漉之澤波  
及州郡折榘而萬夫失氣決渠而千里流潤蓋  
渤澥之與侔豈潢潦之足闖其產物也鼃鼃蛟  
蜥鼃鼃鰭鰕玄鰓白條金鯽黃鱖文蛤夜游蚶





聖途口味道腴龍盤鳳峙此爲是居於是備以  
琴尊藉以詩書寄朗咏於城內探遐軌於黃  
將永矢於考槃奚馳志乎亨衢於是鳴治公  
聞而過焉冠碧玉之冠服瑤華之裳左佩木難  
右委明璫紆軫結駟歷階升堂乃諄於先生曰  
吾聞達士不違榮而辟世知者不失時而齋志  
故望垂竿以釣周軻載贄而用魏戚商歌而寤  
主說應圖而賚帝彼豈不知馭世之淫精高蹈  
之適志哉蓋貴崇所樹也今先生道積旣羸志  
抗益騫比跡鳳衰執方詭潛蚤奮翮于青雲晚  
遜跡于深淵三十不仕四十不遷髀銷刺骨炙



種盈顛藐修名之不立將無負于陶甄且夫摩  
編而惕日孰若排雲而上策辭勞而耽寂孰若  
輝金而鐫石此孰喪孰得孰顯孰塞黑白在御  
請究其極今天子際昌運頓弘綱闡義文煥  
堯章闢四門于九重開三網于八荒貢公彈  
冠而彙進馮生振袂而登堂胡才不售曷藝弗  
揚蓋士有悲窮於末造未有自棄于明王者也  
先生豈將啓膏肓之沉痾登坦蕩之周行乎先  
生乃泚然汗出僂然氣降揮手而進曰往者  
世多忤任性成癖乖圓方于衲鑿對耽竿而秦  
瑟不說已而自悔羗戒虿而廢食是猶坎蛙之

樂井驚馬之伏櫪也乃今文弘化之流行彥又  
之登庸覺一時之可恥知嘉會之難逢撫壯節  
之旣邁冀末路之前征猗車秣駟敬就下風於  
是乃裂荷衣沐蓬首紐銀章綰青組劍及於陞  
履出于戶朝發清瀾夕雨天下

### 中都賦

閩中柯仲炯

中都主人遊於鳳皇山之陽雲母先生終黎子  
蒙梁客鄉東魯大夫皆來從遊主人曰若有起  
予言盍就茲毋以顏之農而居先班之京而處  
後東魯大夫率爾而起逡巡而對曰吁子於晉  
魏之間歷梁唐宋元與其文之無事孰如盍之

有聲嗟太康之東魯堊輻旅而爲城雖百雉乎  
何被晉與魏兮竝爭梟至梁武守義之以刺史  
帥三千兮禦英藐中山之勁敵抗十萬兮爾寧  
又有將懷文兮急援踰陰陵而相迎羌一句兮  
飛橋捷截洲而夜營朝剖骸乎泛流淮水爲之  
漂靈也然猶爭城以戰孰與不戰而羸其在唐  
時之德宗享有萬福兮知名駭正已其陰窺駐  
渦口而懾行聲以先兮震喙膽不減其胡勝一  
或不救寧以忠貞如李延鄒萬載光榮儻廩不  
如法軍士兮變生無清獻之鐵面攘搗竿兮匪  
輕肆賢詰建侯于有豫而聖智禦寇在無形曹

周自牧觀魚閣  
又作觀魚閣  
君山都人各  
有詩

埤方田兮足食世衡射法兮足兵假以依山  
置寨奮以仁勇而不驚是雖終綜阮之在瀟而  
彼金人毫寧敢以南征哉主人曰噫有是哉持  
亂之道禮樂未成客卿若何豪梁客卿跣足而  
前麾塵而談曰那台喪物論之不齊傾秋水兮  
難洗吏漆園焉無功友觀魚兮有益爰有鯢兮  
化鵬虎兮爲鯨台將于魚鳥昆蟲乎觀理也予  
是竭豪之致珍鯉刺腰少陽魴鱧鱖黃鰓  
鱉鼃鼈天鵝青鶴鵲野雉鴛鴦閤鸛鷓鴣  
翠竹秋賀雞鵲老蠟嘴活獐綿羊皮獾獾兒毛  
貉害狼狡兔當市羣與處而同休一深山兮鹿

豕孔稱詩書而贊禮樂老先道德而後仁義不  
如台主養生之不亾遊逍遙之獨適也至於齊  
轡車之霸管楚筍墳之史倚淮南八公建安七  
子糟糠陳言桎梏經世台視之猶若儵攸然而  
逝主人曰戲夫休哉物外之修理亂不飾終黎  
子何若終黎子避席再拜稽首曰臣周封服今  
附庸羸若木之窟齋間姬孔之聖域近定審分  
仁里雖當諸夏之無君猶附春秋之大誼王  
伯兮夏盟實吳楚兮夷狄當是之時五州十  
三邑臣鍾離兮居三子宋兮處四烈焦兮陳屬  
偃寥兮霍敵宿趾垣上任城潁水州來蔡昭胡



媯沈姒徐方善道相黃舒履皆三皇廢國五帝  
絕世分茅而胙宅因生而賜氏冠婚薨葬之邦  
雩郊嘗烝之鄙傷諸子兮式微遭吳楚兮兵革  
吳不受命與楚相弑於越是來駢淮歸一麟已  
死其胡獲空衽左而髮被迄於暴秦陳涉兵起  
戎首不收張楚隱謚悍賊繼之垓陝失勢抱虞  
姬兮柰何羞江東兮子弟漢興郡縣亂其遄已  
劉遺受侯四百餘禩夏侯翦項挾事獻帝子敬  
從權橫江與敵雖老瞞多詐亦英雄蓋世而已  
主人曰哀哉誠而言獲聞亂世之音未睹治世  
之旨先生云何亦昌颺哉雲母先生晤目而賦

于焉瞻自神農歷洎殷商乃揚聲請言農身負  
 藁悉徙疆布八政步九章巡過徐甸穰穰以  
 北畀麥梁有蘆稌嚶以釀有五菽先麥廂稻十  
 種易爲良閃風齊深水弘下馬看泰州絳集

其六公雀不知飛上倉金裹銀羊須芒幹

檠戴牛張荆接魯蠶富鄉桑水結柱從嘗采  
 蔬識其詳楸黃雀桺莪香鍛雲母兮鍊鍾乳  
 石膏兮掇都梁紫艾石斛圈棗爲糧口中交  
 抄乳羯羊青煙蠟樹織稈鞭筐民旣樂業敘  
 常聞農死民不漿懷厥德莛冠裳碑碣泯名  
 彰神農訖夏禹爲鑿荆塗道桐淮入江海綱

卷

卷

卷

卷

卷

危浮泗潁通河圉會儻沒達汝肥澧崇巖汜  
涕攸歸爾乃行相地宜調及便利濬溝澮而  
川納萬國之玉幣其貢則浮磬玳珠羽畎夏  
其田則下下上中塗星赤埴其貨則齒革羽  
七生十有九死又有伯益奏庶鮮艱是食禹  
司空豈第水治而已哉余即其間獻重黎之  
職數法四時敬道十日甲子建除凡百有忌  
上天之口用俾下民以素質禹卽帝位徐益受  
地余廼隱居乎鍾離服雲母與膏石禹娶塗  
牛賢子啓天用家乎天下于以世而繼相四百  
履成湯居于亳解民桀肆惡大武傷焉



帶後人

自神農敘至彭  
所以致治之由  
歸結不徒爲存

太祖

莫殷商孫大甲暴虐王尹攝政奉於桐悔過後  
復奉璋水成慙木王昌余起其間而爲大夫述  
不作而信古孔將竊比以憲章是故苟陂汴渠  
循或未臧吹噓獨臥非予之藏而况引三十六  
氣以達趾末何異假二十萬夫以堰荆浮是徒  
使白丹愈禹而曲防思遠爲壽而誑梁者也散  
錢種杏同一心腸皆非大道豈足俞揚哉主人  
聞之泠然而降再拜而參曰美哉善哉此廼余  
所以圖治何幸而獲聞于此何不幸而晚與聞  
于今朕禘帝顓頊兮祖祝融生鍾離兮獲羅紅  
長歷一世之苦乏兮與孟言而符同元運之將

終兮衆豪並起而爭雄鬼神告予渡江兮遂奏  
六王十五公之虜功濟河趨北兮奄有二帝十  
二州之舊蹟歸家梁兮展先陵而罔時恫爰  
作邑乎中都兮曰余于此地焉興龍立鳳陽而  
爲中府兮隸五州與十有三縣各分疆而欲軌  
兮滾臨淮而遶演定大橫而判虎兮懷荆南而  
潏險虹有僮與夏丘兮五河交而不洩泗水  
而曠野兮風氣萃汴洛之平衍天壤沃而曠  
兮宿峰背而睢面壁浮山以繞磬兮壽春肩髀  
而苞箭蒙本古之山桑兮霍大別而饒薦賴有  
州而縣倚兮和距沙而肥倩毫得湯及盤庚兮

京都風俗

衢州古蹇叔閑

子桓榮桓譚冠

大夫竹林七賢

曾羣焉

老子華陀陳搏

若龍毫人

布典

叙示

廼有譙之不善人之剛柔與聲音兮繫乎水土  
之風氣聞誰性率而遊俠兮誰倫重而物賤誰  
茨壁而穗遺兮誰澆情而訟健誰薄德而諂神  
兮誰信厚而淳愿誰泗合而洙連兮誰闇尚文  
而顯便艷誰印佩而仙隱兮誰俗敦而事簡誰  
嚚悍而剛掠兮誰氣和而迹踐誰有駟卹而無  
穿窬兮誰神越方而玄內鍊余皆會而同于俗  
兮默而敷之于典大合祀兮天地篤孝慈兮父  
母扶三教兮歸一官部府兮相掣后惟不稱制  
戚屬不任職鄉四飲兮有序民六言兮多溢猶  
謂斯人之徒兮弗類天而念呬乃以揚之丰兮

連眷徐之奎兮降斂豫之房兮分辨鈎鈐搖兮  
嵩鎮禪天氏流兮岱宗奠熒惑候兮鳥衡占垣  
三州以協一兮昭有開之必先然而岐陶豐  
農業爲鋤民有田里志乃不遷余故移江南  
有四萬之民而實鳳陽于二百里之田殆亦  
任乎神農虞夏而行貽于商周六八百年者  
先生三子其以我爲胡然雲母先生起而衛  
子列子廷間便便言言譏譏詹詹僉曰大哉  
言至哉坤言臣通侯大夫亦陳前武之遺  
編已蹟之故箋燕雀之于凡簷安足望乎鳳  
之垂天哉賡作歌曰聖人陞哉孕祥凝哉

偵哉羣雄傾哉胡主懲哉中原澄哉四裔  
海外寧哉天地尊哉日月明哉主人襄曰  
輔與民未孚與天地鑪與萬物遽與四  
余言作俞乃視相笑而莫逆乎中都也

[ G e n e r a l    I n  
f o r m a t i o n ]

书名 = 中国明朝档案总汇  
8 4

丛书名 =

作者 = 中国第一历史档案  
馆，辽宁省档案馆编

出版社 =

出版日期 = 2 0 0 1 . 0  
6

形态项 = 2 8 4

页数 = 2 8 4

原书定价 = 5 8 0 0 0  
. 0 0

读秀号 = 0 0 0 0 0 7 4  
5 4 1 4 0

SS号 = 1 2 2 2 5 4 2  
6

ISBN = 7 - 5 6 3

3 - 3 1 7 6 - X /

K 2 4 8 . 0 6 3

分类号 = 1 1 0 3 0 4 0

4 0 8 & s w = D 6 D 0

B 9 0 X 1 . 9 0 F 9 0

0 P - 9 8 5 3 7 B 3 -

0 X 1 . 6 F E 8 8 0 P

- 1 3 5 F B 5 B 5 B 0

B 8 D 7 D C B B 2 . 6

3 6 8 5 1 E - 3 0 8 3

+ 8 4

主题词 =

参考文献格式 = 中国第一

历史档案馆，辽宁省档案馆编．中国明朝档案总汇  
84．南宁市：广西师范大学出版社，2001．06．

简介 = 全国古籍整理出版规划领导小组资助出版：  
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。



封面  
书名  
目录  
正文